



訥谿先生詩序

余同郡先余而官南太常
者涇趙石泉先生與今周
訥谿先生皆昭代偉人也
趙余未及見幸辱訥谿先
生交先生操履學術頗得



聞其槩迺今守太常寔仰
承焉會先生弟有之司理
京兆刻先生詩既就而屬
余識之篇端夫誦其詩且
將論其世余既知先生為
人復手先生詩誦焉惡能

以無言余惟詩以情宣情
以時感忠臣孝子意有所
阻而弗達懷有所鬱而未
伸徃徃於詩焉發之非其
感於時而動不容已歟然
而有則焉不可得而過也

怨過則怒憂過則傷則亦
難乎其言詩矣先生詩其
他余不論即其以諫議忤
權奸

廷杖下獄中凡五閱歲去死
蓋萬分一也當是時先生

母劉太恭人在堂且老矣
使先生不勝其拘纍危迫
之恩而咨嗟憤懣生焉鮮
不怒且傷者今觀獄中諸
作率皆感

恩引慝與其違怙遠將之情

而利害生死若不足以奪
其心之所安其感觸流盪
動而弗滯柔厚悠揚切而
不迫蓋泐泐乎可咏而繹
也噫難矣哉非真志定力
自得患難之中而曲成毋

子君臣之際奚其能夫風
雅既遠作者類稱唐音唐
音誠工矣彼模擬組織不
無宛然似之而情之不存
言將奚為君子等之優伶
焉耳若先生體裁音律余

不知其與唐諸公何似而
要其言之不遠於情情之
不過其則蓋庶幾乎三百
篇之遺而有古忠臣孝子
之風矣孔子云詩可以興
可以觀可以群可以怨邇

之事父遠之事君觀茲錄
不有忠孝之念油然而興
而群與怨不失其可者乎
或有惜先生者謂先生以
忠諫獲罪二十餘年而後
起起尋以諫謫再

召未拜而終其志有未竟者
嗚呼先生之志雖未盡行
於時而其風且將傳之後
世孰謂君子之有益於人
國也惟其身之用與存焉
已哉

萬曆甲戌冬十月朔

賜進士出身中憲大夫南京
太常寺少卿前提督浙江
四川學校憲副屠羲英謹
撰

訥谿先生詩錄目錄卷之一

四言古詩

遐壽八章祝伯父壽

平瀛雅十章贈中丞劉公

紀夢四章

史惺堂述其高祖母苦節以告爲作繡裳四章

采蘭四章懷君子也

我懷五章懷君子也

禹蹟四章贈涇友張霑益二守

擬祝太孺人誕辰

終慕四章為戴文潤賦

拘幽操

履霜操

荷蘭操

古辭

病中書懷贈峴溪

廣西大叅黎雲野哀辭

平林辭為休寧胡友松賦

賦

紀夢賦

有鶴墮於獄中校人執而拔其六翮閔而賦之

江行難賦

頌

白兔頌

歌

飯袋歌

卷之二

五言古風

清源舟中同劉晴川別楊斛山

獄中多葵校人盡刈用陸士衡園葵韻悼之

國家圖書館, NATIONAL CENTRAL LIBRARY, TAIWAN

白鹿洞次陽明先生韻

贈石泉唐先生之子名樹滋

別斛山晴川二公

簡全椒戚南山

江上阻風懷斛山

漫吟

大雨簡在獄諸公

秋夜雨後有懷

棄婦吟

簡雲臺諸友

南臺三首

同三峯侍御宿方廣

賦葵

擬贈張道全

西垣孤葵不花

喜繹之兄得子詠菊爲賀

懷王稚川翰林

都水劉唐巖奉

命修獄劉君時有荊州之命

因記述

六月夕雨

贈關中友人志感

贈陳穎谷掌教

送鉅鹿楊桂衢春元

淮河舟中讀濂溪集

獄中贈高大鶴吏部

有弟嘆

觀墻葵

贈平遙舉人豐葵

贈張霽益

答翟子善惠

今日良宴會

凜凜歲云暮

和感興

遠懷三首

用韻答梅宛谿

獄中同楊劉二君言志

卷之三

七言古風

夢遊上方

遊華嶽

用林巽峯留別韻

獄中別尹介石

園葵有感

黃山行

獄中有感

林巽峯隔牆言別惓然賦贈

懷念菴和昌黎短檠歌

月泉沈高士惠桃

仙源遺愛贈顧侯

讀許忠節公錄

梅純甫戶曹之徐賦贈

卷之四

五言律詩

獄中用洛泉兄韻

閩中書懷二首

詠葵二首

同諸公遊堯率次三峯道長韻

再遊用前韻

用念菴韻答三峯

南臺和南軒先生韻

登獅子岩懷僧無礙

詠陳磐石

武城次韻

懷貴兒遣興用杜韻

春夜懷董允恭二首

贈邑宰鄭沙汀陞戶部二首

夜雷

三弟告期南旋

聞朱志齋兄歿於清河舟中二首

送楊龍津掌科

用杜韻懷鄉

出城訪徐吳二公晚歸

悶

懷友

春迎 聖駕於順德書懷二首

病起有感

贈登封周子學

懷古

太和山

方廣道中

二賢祠

詩經言金
卷之六
九
兜率與三峯二首

和劉三峯韻四首

雲臺即事漫吟

簡諸友二首

寄勉有之弟

端陽用韻思親

作家信有感

謝東井隱君

次詠竹韻

和王隱君二首

投壺

晴川謂南牆雲霧中即廬山偶句

因夢感用韻

顧成湖感事

弟恪之子可教可錄入學味以勉之

明妃

贈祥符左簿詗涇人

潛江遇風

讀梅溪齒落詩予年適同因和韻

哭學姪

言錄詩金
目錄
邀諸友入山

讀姑蘇直道陳公柞遺事

雨過靜坐二首

遊西山次詹東鏡韻

贈繁昌徐生兄弟

八月十八日同王敬所諸公觀潮

送梅道人

有感勉子壻

懷有之弟山中二首

移居

用環山年兄韻

和子範春字韻

九日西郭

贈晴川用靜修韻二首

贈趙一松次念菴太史韻

別方湛一二首

贈鄭桂溪歸隱

癸卯初下獄內外俱云不可救強作口號慰之

知二弟至用韻慰之

涇施貢士篤以詩慰獄中和答

詞彙詩金
簡晴川先生

用晴翁韻二首

甲辰除夕

春興

詠彩雲

答晴翁四首

偶感九歲嬰孩下獄

讀李光顏傳感而泣下

聞松山中丞出鐵門赤身散髮無衣次晴翁韻
先府君諱辰

用白沙先生秋興韻贈別董允恭

用杜韻懷弟

用杜韻懷恒兄

晴川用杜韻贈竹居伯父怡次韻

長門春夜用杜韻

擬古

贈允恭南還

有感二首

小除夕答晴川四首

園居及碁因破窓隙見月

書夢松扇

夜過寶應湖

望嶽二首

賦長門七哀

和良韻

夜來封門偶成口號

勉弟及二子度年荒

漫懷二首

簡紫雲道者

遊香爐峯次雲門韻二首

天界寺次半峯斌公韻

卷之五

七言律詩

秋日送何喬仲道長出獄

次韻荅陳一溪見問

午節次聯峯韻

次聯峯喜雨韻

寄二弟

寄勉妻子

三人西園晚坐

宿佛手厓

言集詩集
目録
樓賢橋望

文殊臺大風雨觀佛燈

次朱文石韻送行

荅人問學

又用文石韻

贈攸縣洪定之字

感文山四十五歲之作二首

雲臺觀

乙巳釋罪三人共舟至臨清別

舟中晨起擁衾有感

用晴翁江行韻

久雨見月

用斛山苦菜花韻

春盡送有之弟用子瞻獄中寄子由韻二首

雙葵用劉公韻

翟子固書來取陳一溪回信代柬

答翟替皇

先端陽日看花懷翟聯峯

用晴川韻

臘盡望家信不得用杜韻

哭聯翁中丞

晴斛二君用牧之九日韻奉次二首
乙巳九日

重陽會諸友登文峯高處

泛洞庭登岳陽樓

贈衡山南臺僧如清歸

求友

呈靜齋兄并約月夜之叙

長沙阻風

携衡山二僧登岳陽黃鶴樓

登君山

過赤壁

太和山

玉虛巖兩宿

聞袁師南江貳守衡州

追懷斛山二首

奉壽楊蒲池年兄尊翁恕齋先生

少林寺四山陰雨一無所見

出法王寺過嵩陽觀栢

病足有感答洛泉兄

重陽用定山韻二首

讀喜蛛聯句

秋夜憶故鄉四首

感慨狂言

兩夢純公

夜坐用陽明先生夜吟韻

至夜

自訟

祝晴翁壽

立冬夜

次斛山韻二首

謝郭河間衣襪

瓜埠阻風

乙巳八月十二日蒙 恩放歸舟中風雨漫詠

舟中簡晴川斛山

途中即事

有感

登泰山次姜鳳阿太史韻

西嶽廟樓

喜雨

言彙詩錄
寄胡霞洲金吾衛幕

送鉅鹿楊桂衢春元旦

元日登文峯

寄洛泉兄易州

贈有之弟會試二首

壽宣城劉玉峯大尹

陪近溪郡侯遊天都峯

遊吳中呈龍溪師

與薛圖南同遊善權

謁子房祠

甲子九日

麻川端陽前一日

重興寺同筆山小酌

詠懷

登西嶽呈斛山公

贈郭似庵大司馬

夜坐次韻

懷故園

送汝和顧舍人東祀

次梅宛溪乞休韻四首

中秋夜少長咸集小酌對月次陽明先生韻

秋社卽事

哭章介菴先生

用荆川送弟應試韻送有之弟

壽道人壺山八十

用荆川韻送姪可期可成應試

送有之弟會試北上

撫州舟中別黃山謝濟之及其子廷玠汝賢

謝汪蒲山

次蒲山九華韻

卷之六

七言律詩

至後二日同陳西塘大行觀水簾洞別以進秋元

同諸君遊紫雲

寄祝伯父竹居翁壽

遊齊雲巖和雲門韻

壽華陽施東山高士

巖先生祠

訪焦黃山少叅

水西會

NATIONAL CENTRAL LIBRARY, TAIWAN

言類詩金
酬洞岳明府

贈賢守陳公後人二橋

再用東坡雪韻

望水中高夜飲

哭內作

兩夜宿仙壇宮次日翠微寺訪許後山

水西寺照光樓

舟夜大風

乙巳春三月太孺人六十

兩

李氏城成飲亭子山露帳中

壽再從兄孺六十

天都峯

寄曹江寧丞

金湖郡侯高齋讌集

五十三歲用定山先生韻

西嶽二首

鎮嶽宮李道人

老君下碁石

寄戚南玄

辛亥至日玉潭仙院酬史玉陽

用荆川草堂韻二首

自遣

雪中送二弟歸

立春後雪并雷電

采石渡江訪戚南玄題在白鶴觀中

輓汪鵬溪

九日同筆山登文峯

春日有感

和洗心韻二首

自悼用挽文丞相韻

自嘆用陽明先生韻

懷母弟妻子

用羅整菴太宰韻奉壽

用韻奉羅憲長毅軒年伯

自勵三首

寄洛泉兄

至日

用陽明先生韻

用杜韻寄子敬

自嘆

有感

斜陽閒立

春夜

鎖門對雪三首

懷蘇廷詔

寄贈張弼

復入獄用韻祝太孺人壽

聞諸君出獄水阻不能送

哭孫松山中丞

八月十二日有感

用杜韻懷允恭

除夕次白沙韻

春日懷東溪

八月盡園門瓜蔓黃花

偶見鬢白問人知鬢亦白矣

秋夜用陽明先生韻三首

羅太宰八十

獄中送張友

衡山祝壽

輓項城戚大尹

送周子美族姪玉任桂陽幕

壽周西塘六十

乙丑除夕

冷水塘周平齋贈詩二首次韻答之

臘雪登樓用蘇韻

贈程霽崖之任信宜 餞謝掌教

過廣信次江荆石韻

謝桂近菴道長

用近翁韻懷顧海暘

用韻奉近菴

癸丑端陽日奠斛山公墓

故山有感

夜夢四老惟記楊遂菴劉南坦周約菴

湘潭驛答唐石泉

卷之七

五言絕句

龍潭

芙蓉峯

望軒轅峯

白雲詩集
卷之八
九

懋道傍松石

漫成

書懷以月到天心二十字爲韻

羨問答

陳磐石橫濱十景次韻

卷之八

七言絕句

丙午都下懷表兄周槐軒

獄中寄子敬達劉雲鶴明府

答東廓師二首

過佛手崖示無礙老僧

次唐石泉先生韻二首

書扇送斛山

小詠奉東溪

次晴川韻二首

雨中次白沙韻二首

送高公敬選部出獄二首

送徐少初年兄

斛山巽峯同酌

中夜惕然呈斛山二首

孟冬送弟南還

冬日曝背口號送仰松

簡山東被逮五君

元日晴有感

送徐雷溪年丈掌教蒲城

哀次孫應時

偃師有感

嶽麓和朱張兩先生林字韻

長沙阻風

玉虛岩兩宿漫成五首

用韻請益楊劉二公

封門有感

解惑二首

和補衣二首

和尋針

用晴翁訓子韻示貴兒

用韻諭內三首

紀夢二首

雪月梅花圖

答焦季文

次采石用晴川韻寄斛山二首

黃山有天都峯茲來陽羨問舍亦在都山

書獄吏扇

詠明妃

次仰松韻

壽章南山廣六十

書少溪卷二首

章介菴宗師公署伴二子讀書自勵

碧雲小聚

九日自喜

與劉惟弘

贈李龍先生八十

省愆

贈程後臺

懷晴川翁二首

東鄰有言感而賦之

懷允恭兼致劉總戎

送貢玄畧教永豐

入秦道中

懷人

書西峯廟壁

雪夜同沈古林道長集鄭暉厓書屋

次韻

慰王汝楫哀思母氏

邑令問野夫脚色

大風索衣

冬夜夢與宜之長兄同見二程先生明道親書

一詩字甚遒勁末句記有一春二字

送范德美

用陽明先生韻

病中書懷

用韻自慰

用晴翁韻

懷蘇廷詔

懷梅純甫地官

用斛山韻

哭高大鶴

秋燕

九月寄書季弟

謝人惠食

金
春愁

簡富平二曹春元

即事

寄趙台樓叅戎

簡晴翁

卷之九

六言四句

龍門菴漫興四首和周子範韻

有感

偶書遣懷

目錄終



訥谿先生詩錄卷之一

四言古詩

遐壽八章祝伯父竹居翁壽



振之我周世德作求潛光彌曜高曾澤流施于我

祖惇裕休休


祖德閑厚敬慎靡慝達微朋壽靡有不識戚戚兄

弟飲酒温克

一樹四華維三華則實燦燦栗栗維伯父則吉令

聞亢宗如旭日之出

友于兄弟如蘭如芝天實奪之視諸孤猶子教之



庇之式穀似之

似續妣祖肯構室宇詩禮啓蒙稼穡茹苦享祀惠
時受天之祐

青衿翩翩集于庠校提耳面命惟忠惟孝樂利帝
德庶是用報

琴瑟和只蘭桂榮只壽考齊只斑斕紛只旨酒芬
芳遐壽無疆

遐壽無疆黃髮兒齒令德彌邵申錫繁祉如松柏
旉騰新翠承承如黃山崢嶸不傾日對之以永此
生

平瀛雅十章贈中丞劉公

恒高屹屹瀛海洋洋四方來王維天子之邦于政
于教光于四方乃簡撫臣來綏來康

天子南狩至止大梁哀時之對維劉叔是良帝錫
劉叔淑旂綬章赤舄繡服撫茲畿壤

劉叔至止肅將帝命夙夜匪懈以厲庶政帝命王
人來錫金幣義問宣昭施及遐裔

維此畿內民力告勤保之釐之庶民罔驚申諭群
吏來宣來旬

爰及廣大洽此保瀛瀛人告饑省咎由已選吏往

賑民亦不厲維彼無良構結齊衛寇我居民憂及行旅

公獨憂之僉曰熄矣公曰不然寇不可易無忽蟻垤可以潰堤我其征之圖大乎細

公車乃出于河之間諭以分義宥之俟還公車閒閒執訊安安維彼脅從不格于姦

群醜匪茹罔悔于頑公車第第獻馘連連薄伐不順奏凱乃班膚功馳奏威震三關

瀛海旣平齊衛底寧爰及趙代居民卒定行旅謳吟婦子餉耕喜相告曰夜戶無扃

謀猷允塞不大聲以色綏此四方以匡王國公曰匪予武天子之德奔走禦侮群吏之力

紀夢四章六月十六日夜夢家中西園門柱聯大字覺後止記得東家義肝四字十七夜夢至家見老母須臾即告行

出若遷喬鳥則飛越我困株木終歲無歇我生不辰逢天怒呵我罪則然其如母老何蒼天蒼天曷其有知

冥于叢棘重門固之重門固之不能止我思孰爲我夢愛恤我私

言身言金
瞬則在燕息則在奧登堂見母母心割割我肺裂
裂方覲告行呼天而號曰我來彌月瞻彼西北曰
自天際來則又往矣母躑躅瞻徧無問無戒中心
則摧維仲與叔惻惻孔懷

卒其失矣險枕如茲心其戚矣莫知我悲我罪則
宜嗟我母遺懼蒼天蒼天曷其鑒斯

史惺堂高祖母周三十四而寡破屋一間以
死自誓閉門刺繡隱聲哭泣聲不聞外夫存
日與富鄰交旣寡遂謝不往來一子長而出
依舅氏人諷之以尼自誓後以壽終玄孫桂

芳丙午鄉薦時祖母夢周授以喜信俄而報
至桂芳述其事以告爲作繡裳四章

糾糾葛屨可以履霜摻摻女手可以繡裳胡爲乎
繡裳貽孤義方

敞廬獨旦以蔽風雨燁燁棟題匪婺棟宇胡爲乎
敞廬自求伊祐

鳳凰于飛亦垂其翼婺室有懷茹荼飲泣死矢靡
慝尼也可爲中心不易

雖未亡人保孤之成中心頰頰五世逾明胡靈之
明坤德之貞

采蘭四章懷君子也久而不来憂懼驚疑作馬

采采幽蘭幽蘭不芳嗟我懷人在天一方雖雖煌煌我不見兮憂心涼涼

采采芳杜匪昔伊臭嗟我君子于行來久雖雖煌煌我不見兮憂心孔疚

琴瑟在御旨酒在樽我行不来誰與其湛無饑無渴無虞以悔以慰我心

有鵲匪靈有占匪徵洒掃穹室爽我斯頻悠哉八十于外曷其凶矜

我懷五章懷君子也君子在幽懷之致祝焉日居月諸往來翩翩我之懷矣在帝之畿我不見兮我心不遺

庭有網蛛室有伊蛾我之懷矣曷維其歸肅肅疾羽借爾北飛

自我別矣潞河之沮與子觀者關關之雎我之懷矣突其來如

自我別矣歲聿其除我之懷矣誰與澣衣在笥在笥遠莫致之

維坎則亨維困則貞懷爾出話以保其身匪我之

昵以慰母心

禹蹟四章贈涇友張霑益二字

芒芒禹蹟維帝之疆炎海南極聲教覃揚維帝弘
仁睠此遐荒敷求髦士以作遠良柔遠能邇永奠
中邦

維涇之英張氏吉甫桂馥蘭馨芬芳藝圃矯矯奇
志凌厲高遠乘時奮揚底績荒甸俾荒民髮咸懷
帝眷

弧矢載懸遠邇維的允德作孚蠻方維則匪疚匪
棘維子是恤俾荒甸民髮來格來式允德柔懷洋

濫中國

匪醜匪陋柔懷作孚奏績于帝南服用休帝曰咨
汝吉甫汝賢飭我南服允德是宣介爾繁祉錫命
自天

擬祝太孺人誕辰

維暮之春我母令辰年六十二髮皤如銀我父早
世我室窶貧難母煢煢夙夜茹辛教我三子冀成
令人仲氏稼穡季氏儒紳維怡微小 天子諍臣
勿欺無隱母訓諄諄夙夜懼惕母訓勉遵愚欲撼
天慙不顧身謂不免 天子聖仁薄言撻之

終慕四章爲戴文潤賦

烝民之生曷有是身父母之大惟天與倫孩提知
愛夙夜慕之曷維慕之天性之純

衆人蚩蚩知誘慕遷惟欲之從父母斯捐終身慕
之古大孝則然孰曰匪良孰曰匪愆

猗與戴氏世有聞人暨文潤甫篤孝隱君夙夜在
公不忘乎親末言孝思曷克從之從之弗得孝思
罔極

維桑與梓飄風淒止靡瞻靡依孝子悲止紹庭上
下陟降厥士夙夜無忝式克求世孝子不匱求錫

爾類

拘幽操

室之云幽昊天孔昭道之云邇昊天則遠

履霜操

糾糾葛屨可以履霜烝烝中野行道徬徨我之不
淑曷維其減

有冽者泉民之汲矣有叢者棘民之薪矣我之不
淑曷其倫矣

烏之喞喞反其哺矣麀之呦呦母之後矣我之不
淑曷其咎矣

生我之德曷維其高鞠我之恩曷維其深旻天旻
天曷慰我父母之心

倚蘭操

有芘者蘭谷之幽兮匪風伊芳芳自悠悠兮

有芘者蘭谷之中兮雖無采之芳自融融兮

蘭之莖兮冰清蘭之英兮玉瑩蘭之芳兮忠信昭明
人莫我知兮矢幽谷以自信

古辭

病中書懷贈峴溪

於維前烈之晦潛兮施數世其慎修嗟予生之不
融兮期世德之作求賴師友之牖啓兮樂天則之
懿猷負忠告之自罔兮從良知之末由方弱冠之
聞學兮踰六十而優游中多罪之莫懲兮載帝
德之難酬蹇予遭之輒軻兮紛鏢金之衆咻悼攻
玉之無成兮憤瓦全之承羞孰險阻之備嘗兮猶
悔吝之交投顧醜蠅之善點兮自穢號以赤頭見
金夫不有躬兮孰虞淵穽之善柔詢甘言之如飴

今孰虞巧笑之戈矛遇斯人之不淑兮每以德而
召訖世與我而相遺兮復多言其何尤已矣乎我
思古人兮內訟是謀無行不自得兮反身是誨東
隅之無及兮桑榆可收西子身不潔兮吾乘虛舟
順應人之呼兮胡恤馬牛憎譽之雜揉兮漚起雲
浮其簞瓢從吾好兮樂以忘憂安常而處順兮吾
生其休已矣乎吾生其休兮寥天與遊

廣西大叅黎雲野哀辭

黎君死於兵變

稟正氣以有生兮孰完歸而無忝嗟衆蚩之多欲
兮遂隱忍而著揜窺利害而密趨違兮猶巧言以

覆掩鈍莫邪而鋸鉛刀兮久矣其是非之淆亂視
禮義如土苴兮鄙廉恥爲可賤視織利之所在兮
快性命以饜之證攘羊可醉飽兮雖賊父而甘爲
紆兄臂可得食兮豈曰忍而不可覆階窞以文錦
兮則賣友以自好朝垂綬而暮操戈兮忍背君以
臣虜滅天綱圯地紀兮苟須臾以樂禍醜頭面爲
無能兮唾夷齊之鬼餓哀令女之自苦兮羨夏姬
之爲姣彼烏知死生之爲太兮肯殺身以成仁分
不可越兮義不可淪道不可詘兮志不可以不信
古烈士之亡身以殉道兮謂道以身殉身非血肉

之軀兮綱常賴以支撐地賴以平兮天賴以成嚴
頭可斷兮莖血終青顏舌可鈎兮仲死必結纓胡
刀鋸之其蹈兮求無忝厥生存惟順無虧兮沒惟
以寧有生而令終兮又烏知牖下之典刑猗嗟黎
君玉潤金精紉桂以爲佩兮綴蘭以爲襟投瓊玖
以示人兮服璣璠以自明參大藩而攝政兮荷仔
肩爲已責胡暮夜之不戒兮群克忽嘯以稱逆君
已寢而聞變兮嚴冠服以臨諭謂禮義可折心兮
胡天道之不佑善猶以身翼藏兮紛白刃而不避
事不濟而心壯兮恪官守而不失衆冰匿而不出
者反求之而長愧君雖死而猶生兮植官常不墜
懷瑾握瑜兮齊志以逝身雖死兮神以靈毅宇內
兮幽與明咸壯其義詞曰波瀾汨汨誰與橫堤兮
巧儼善道孰任重兮正直守官莫可與知兮

平林辭

爲休寧胡友松賦

秋風起兮涼坐懷美人兮晨征踰峻嶺兮策杖涉
霞渡兮夕陰慕高風兮忘疲儼虬髯兮逢迎貌温
恭兮氣和坐簡默兮心誠問所學兮澹無欲撫孤
松兮隱盤谷倡寡和兮思深俗難諧兮行獨愛平
林兮容與羗清陰兮自足關三逕兮來賢懷古人

今志勗道心兮爾清生意兮草綠紫蓋兮雲縠白
結兮苓玉風颯颯兮韻絃雪皚皚兮疑藍田長青
青兮不改同幽人兮歲寒世不爲兮道不可違舟
不具兮衣不可褰愛平林兮容與甘寂寞兮無愆
眇予懷兮斯人願同歸兮求年

賦

紀夢賦丙午仲夏丁丑將夕忽大風起自北
瞬息之頃四合不能張目旣而驟雨微灑予
心怛焉孔疚夜有夢痛之用俚言紀實

歲游兆之敦狎兮月馬逢赤奮若方六九之肇始
兮孰柄杓而繫之金柅景風自南之准正兮胡廣
莫之用事噫陰陽之舛錯兮慨蕤賓之失職縱蚩
尤兮橫上下兮倏焉迷夫四合肆皇天不可知兮
此驕蹇其馬極兩驟灑而遽止兮景翳翳其夕予
俛仰莫可據兮孰喜怒之匪測天與人其難謀兮

果與塞其孰致噫歔歔中煩旋兮思蘊結其無緒
神恟恟而翩翩兮魂輾轉而不寐孰渙渙化爲神
兮覲冠裳儼其有序似夢而夢兮匪期要而雅會
孰威儀之莫攝兮顛峩峩之側弁大其聲而忠告
之實予心之靡安誠切偲願爲小相兮亦友誼之
故也孰不德而指爲訐兮反逢彼之怒也謂伊性
之已然兮而女諱之何其猶之不可薰兮曾女之
不知也蕤蕭艾爲蘭蕙兮固今習之常也色頰頰
而詬咄咄兮皆欲裂而不已暗叱咤褫吾衣兮欲
扑挾必加之罪痛余衷之不察兮手擊心而拊膺

信予志之有忒兮指蒼天以爲正苟目之匪矇育
兮孰黑白之不明胡人心之同然兮期是非之易
情謂連藥之爲甘兮飴錫之爲苦謂魍魎之爲妍
兮都姣之爲醜鄭聲之爲雅兮韶箛爲淫莫邪之
爲鈍兮鉛刀利鐔愛我莫子瑕若也史鮪婞婞其
何賊忠信莫杞裴之可托也女贄媚嫉其何力混
沌有關闔兮孰崇之不頽而堅之不泐陵谷幾更
遷兮孰平之不陂而往之不復胡盈虛之不順兮
而欲奪夫消息嗤女之不智兮從杞人之罔極余
逢其怒而莫知止也氣鬱鬱其盈臆忽東明之啓

旭也眇前會之遽失會則遽失餘氣仍鬱靜言思
之胡期之及我其占之凶乎亦吉理不可違維淑
與慝改規矩爲方圓兮顧余心之難易已矣乎天
不可詰余將爲從而號惕亂曰不可與言伊何英
兮惛德力興洵何情兮天平人也訟終不可成兮
往鑒不遠無爲來戒程兮胡不自先胡不自後胡
寧我躬丁兮

丙午八月望有鶴自空墮于獄中校人執而
獻之當事者拔其六翮閱而賦之

有鳥有鳥九臯種朱冠縞衣雪皚皚清唳一聲徹

九天遠思瀟然出塵埃當年曾侍郭家人乘風時
上黃金臺主君一言悟昭王能令燕山增崔嵬忘
勢好賢得烈士樂毅劇辛皆竒才席捲全齊虎視
雄即朝秦楚明堂開一朝讒言黑白易逸賢走士
大業頽黃金臺下叢棘莽易水寒生宮殿灰此鳥
不能復棲留臨風嗥唳聲悲哀一舉遠逝北海濱
去家千載今歸來城郭已改人民非回翔四顧心
徘徊舊日臺崩棘叢裏鳥墮棘叢飛不起小兒不
知鳥心悲執之獻買貴人喜繫之維之拔六翮風
生勃勃凌霄頰倡之不和友聲遠神遊時到倉洲

詩經詩金 卷之一
三
涖鳥兮鳥兮今已矣清標貞性爾無毀羽翮慎養
俟長風還爾扶搖九萬里

江行難賦

嘉靖乙巳十月既望怡被逮復北
從 王人渡江日暮風起波湧舟
檣顛急王人驚怖失魄不能就食
余殊不見其危王人愕然余爲作
江行難

噫嘻江行險難哉洪濤一派河漢來波搖吳蜀地
界南北廣則中流四望莫可窺其涯涘深則浩蕩
洶湧奚可測其紀極信不可以方思而矧敢有泳
游者乎時乎風恬浪靜練靜鑑開天光雲影上下
徘徊則有帆檣扁舫蔽江而出亂流鼓楫棹歌自

得亦或忘其險難矣稿得風順帆張遡遊亦泅聯
息越都一日千里貪程恃利載胥及溺徃徃有之
不以爲戒然陰風怒號旬居其七浪擁雪瀑山倒
震雷鼉鼉蛟龍乘勢而橫逆巖磯石瀨激抗而屹
立長年三老錯愕相顧毛起而骨慄雖正襟安坐
者存亡惟聽其呼吸誠知江路之險猶多微倖於
萬一適有立岸上者大聲號咷嗟爾輕生亦何苦
如是風波公無渡江路信險難矣非有忠義之激
心是亦不可以已乎余欲應之舟行不待然虛舟
不可以涉川乘桴曷期以浮海懷襄之勢尚可殺

區區風波何足恠惟人人畏避夫險難孰與以共
濟天下之溺苟余行之不迷雖九死其奚悔孰謂
江行果險難哉

頌

白兔頌

辛酉之秋八月初吉昊天司權金風瑟瑟灑氣覃
敷夷則協律候從其令物色式秩有兔維雄應時
迺出雪爲之色玉爲之質毛純應月晴光如日融
融馴馴茸茸濕濕肅肅爰爰自來于畢虞人獻之
我侯惟懌曰此竒瑞非邑政之德心純政和物阜
民逸惟我郡侯士民師帥明德升聞芬芬苾苾乃
承獻於郡郡侯悚仄郡曷居之一德格天玄同默
契惟我 聖皇戩穀康民泰和孚洽禎瑞並徵天

不愛道圖書來朋地不愛寶瑞禾荐登百祥駢仍
萬竒効靈矧茲玉兔應時來庭匪兔是異純德維
馨亦曰奚自呈自太平太平之政厥兆孔明太平
之士其有精白一心爲邦彥髦英者乎太平之民
其無爲衰邪虧貞者乎維教維養畫一于成太平
之吏其將爲公侯干城者乎兆有自感瑞不虛生
若夫瓊瑤之質明月之精樸楸之足朱熒之晴瑞
誠異矣亦足以徵循良之聲維爾令尹永孚嘉名
周子聞之欣欣喜曰物瑞異矣德尤徵焉邑侯不
居郡侯亦不居盛德若虧大美若疵天人交助萬

福 是基乃作頌 頌曰猗與盛哉德祥協通有
善殞善矜能隳功我郡我邑謙冲其同海虛乃受
嶽讓益崇祿厚秩顯壽永聲鴻敬哉懋德仰答昊
穹

歌

飯袋歌

一代縱橫未可量
虛中可可頓圓方
飯鼓納納乾
坤大一壺源源
日月長
稊米能令倒太倉
一葉摘
盡蒙山黃鼎鑊
煮乾滄海波
曾不勾充三人腸
箇中宇宙覲面
羲皇亦有二帝與
三王豈但區漢與
唐孔門師弟用
舍行藏濂洛關
閩流寓鄉青州
從事日月至白
水真人來有常
座中亦有褚先
生從此消遙聚
福堂一簞食一
壺漿可醉可飽
載詠載觴出入
風雅三百篇反
覆康衢與擊壤
燕吳秦楚

言
卷之
七
倏忽同場鐵門天險死生忘巨細兼收艱阻倍嘗
含萬物而化光放則無盡歛不盈筐提携闔闢有
三綱烏臺御中青瑣議郎素餐莫報德無疆共知
須彌納芥子誰識劉家此飯囊

訥谿先生詩錄卷之終

訥谿先生詩錄卷之二

五言古風

乙巳清源舟中同劉晴川別楊斛山

小小負狂態，嘍嘍古之人。每談古人事，恨不生同
辰。關西楊夫子，心貌上古淳。長孺誠往友，仲淹乃
前生。孔未見此剛，孟復醇乎醇。報主一封疏，幽
犴五秋春。顧予蒙恩同，相對慚非倫。蘭薰每荷
德，濡毫難具陳。秋風賦歸與，同舟復浹旬。長川東
到吳，明月西入秦。獨有盈樽酒，共醉清源濱。投贈
斛龍泉，精光期日新。

獄中園葵十餘種一日被校人盡刈無遺爲
之惻然用陸士衡園葵韻悼之

誰種北園葵盈園綠萋萋柔葉沐露膏潤藥向暘
晞亭亭抱赤心種種含清輝常恐商風肅華葉逐
蓬飛伊誰秉忍心一朝肆嚴威叢孕殲朱英方苞
翦素蕤未畢凱風天遽先秋霜衰悼葵感益深俛
仰內傷悲

白鹿洞次陽明先生韻

半生五老心今始快一見振衣躡層雲乘風凌絕
巘誰尋白鹿踪此是無極面苔蘚縱封真體終不

變日星麗天注幻化紀異傳神物有靈護巨嶂賴
帝眷定力發明光高標示默勸我欲往從之雲深
路莫辨

贈石泉唐先生之子名樹滋

爲學貴立本種德發華滋立本如之何當於未發
時聞覩俱不着戒懼慎所思得養無不長牛羊防
相夷一念默自疑是敦元化基清蔭從此茂碩果
垂纍纍魯傳要訣之子慎無疑

別斛山晴川二公

此日別誠別把袂心如割數年生死情一旦西南

隔停雲望漸遠飛鴈聲偏惻蓬室移芝蘭餘芳猶
未歇孤舟宿新堤征鞍照初月仰視縱橫星耿耿
不泯沒彼美西方人何以慰饑渴

簡全椒戚南山都諫

天作椒南山中有萬頃田靈泉出其下疏濬成巨
川神功未易擬禹鑿相後先川上何所有翠藻葉
鮮鮮微風動水面波紋清且漣惟謂澗溪毛可以
羞豆籩瓊姿不滓緇芳性通靈玄

聖主開明堂用之格昊天德贊元化

皇圖鞏萬年

江上阻風有懷斛山

涉川三缺月鼓楫無長風一葦縱所如漂泊蘆花
叢俯觀江水流仰視雲中鴻孤鴻飛漸遠兩鴻遵
渚東相顧飛且鳴惻然感予衷彼美西方人華嶽
爭龍嵒懷哉鬱方結悠然夕照中何時濯江漢一
豁此心胸

漫吟

猗嗟丈夫身遽戚徒骯髒乾坤豈不大犴獄如在
盜有君不能報有母不能養有弟一在南一在
園外望妻子與宗親饑饉安所仰我心如浮雲頃

刻變萬狀何當托清風吹噓九天上

大雨簡在獄諸公

甚雨示明威幽室遷屋漏冠裳惜沾濡桎梏多知
舊敬天敢馳驅內省能不疚訟渙渝安貞需泥慎
致寇君子以經綸纍臣亦眉皺天意誠仁愛人謀
豈乖謬雷雨既作解罪過應赦宥願言啓聾瞖此
日不可又

秋夜雨後有懷

惟薄深夜涼簷溜白露雨三年剝牀膚四壁空園
堵男兒突兀志少壯淪塵土丹心照白髮一念縈

千古慈衾不能溫

袞闕徒懷補內省疚肺肝動懼罪機縷皇天霈秋
霖莫湔纍臣污不寐一滴長有懷萬里阻蕭蕭庭
樹聲此際堪誰語

棄婦吟 除夕書

遲遲出君門轉盼含辛悲穉子各奔號左右牽我
衣誰爲此厲階君子良無違憶昔歸嬪時顧我嬌
生輝爲我歌樛木求矢福履綏信義縱可渝我行
將安歸誠不恤穉子獨不傷慈闈題彼雙鴛鴦
翩中河飛君子懷良圖能忘返顧睇新人開君懷

且勿掩故扉

簡雲臺諸友

名山恣遐覽漸以銷塵心良朋際嘉會况復豁煩襟至願諧夙夕竒遊喜自今人生會面難茲會輕千金黜矢勿諼頽樂期終尋庭前滋綠草枝上鳴幽禽近取理孔昭靜觀意自深何期兼二難頽聚惜分陰

南臺三首

日暮歌荒臺悠然生遐思昔人不可作今人猶衣依衣依亦何爲將以求所期聖學貴時習聖敬貴日躋

夙志已遠擬靜言何庸違壯去齒髮衰病餘筋力疲無能振末路復可荒童嬉所與慎薰猶所識辨菌芝敢曰聖可學庶幾古是稽多罪漸有省此行良不疑今是更迷復昨非徒傷悲往哲繫何人亦惟在有爲泉源回地脉桃李榮芳時俯仰阻今昔此意莫我知

朱張兩夫子意氣何綢繆一時聚湖湘千載尚風流獨行嗟踽涼勝地多竒幽豈能叙古道聊以問前修麓鼓尋往蹟衡湘恣遠遊鹿麋滿蒼野蘭芷縈江洲浮文日以繁世道多隱憂春江不可渡我

詩話詩錄 卷之五 五
行將焉求

春樹生芳枝佳人期不來風波滿橘洲愴然傷予
懷緬仰古賢豪幽意自徘徊寒梅發頽垣綠苔明
荒堦青青谷中蘭孤芳誰與儕嚶嚶枝上鳥好音
相與諧而我歌伐木調古竟無偕聊掬曲流水一
濯纓上瑛良朋嘉會地日暮成空田

同三峰侍御宿方廣旬餘

歲晏冰雪行危磴憑筇力病骨寒風欺寂境緣心
息剝盡田新陽木落見山色朋來喜在今思遠懷
往昔欲訪雲中君雲深不可得邈矣抱璞人此意

無終極

賦葵次韻

化育滿天地凱風葵正繁素蕤沐露潤丹英向日
蕃孤根隨處托貞志此中存榮悴情已忘淨穢何
有焉居幽趣自得遺世安足論緬懷漆室女千載
是知言

擬贈張道全

憶昔陳蔡間吾道逢不減君子行有窮從者糗絕
糧亦何嘆道路阻且長夫子思東歸斐然懷魯狂
知德有十哲田琴激以揚從者豈無家周旋以徬

皇何期既安寧皆不及門墻昔也死與生今也參
與商俛仰道義情千載有餘傷他年萬斛山應憶
華州張

西垣孤葵不花

青青嗟爾葵蹇蹇出西垣獨忍違群麗甘心守孤
樊披雨隨風舞含露待日暄豈無丹素英耻覩青
白翻一朝商氣肅萬卉誰爲繁澹爾忘世累沉默
固靈根

喜繹之兄得子詠菊爲賀

秋深天氣佳涼風夕微輕何處發芬馨隨風聞我

庭云是東籬菊纍纍振芳英縞素凝瓊瑤黃中炫
南金清香自不俗竒姿呈天真欽崇昭明德把玩
滌塵襟洵有益元美匪曰耳目珍雲物護天葩玉
貯貢承明

懷王稚川翰林

我年亦何長鬚髮垂銀絲四十尚無聞天亦或厭
之湛然澄空宇時有浮雲帷空宇本無雲欲淨徒
自疲冉冉老將至碌碌往莫追努力貴及時白也
良無師

丙午夏都水唐巖劉君慈奉 命勘獄宇散

漏輿修理工仰見 聖心即泣囚之心也劉
君時有荊州之命因記述

臣罪不可宥 帝心勞玉成軫念風雨園乃召司
空卿輝光照縲紲且喜識韓荆默對恍如夢脉脉
意已傾人生會不偶此地難爲情聞君拜寵命又
向荊州行荊州有良璞璞中有瓊英圭璋薦清廟
玕價輕連城擬以君子德粹然同精瑩聖朝富四
海內帑非不盈厘恤生民血安肯錙銖征念彼風
波者艱難亦謀生禦暴薄稅歛努力答 聖明

六月久雨

玄冥替司令二陰侵亢陽雷雨動滿盈傾注勢霏
霧水滂到習坎天光映在房上漏耻剥廬下浸已
剥床雖非蕪葭人乃在水中央終夕心惕若俟
命依巖墻多罪誠當困斯民則何殃哀彼非魚鱉
淵渚同潛藏但恐烟火絕餓殍漂汪洋安得如鷓
鷃一枝輕翱翔累臣切臨深中心徒皇皇何因扣
帝閭拜獻泮水章

贈關中友人志感

帝付以至寶家家握靈竒褻慢落泥滓光質鮮不
虧華山有玉人獨負和氏知珎之以十襲戰兢以

奉持勢利恐見奪韞匱深藏之嗜慾恐見污堅白
不磷緇琢磨武爲法體受參爲師不以富貴淫不
以貧賤移匹曰待賈沽藏器以俟時將以圭璋薦
將以瑚璉爲精品畜以厚華峰增陸離見則邦家
光潛爲師儒儀耻言趙藺氏憂擊事后夔以此復
上帝至寶完如斯

贈陳穎谷掌教

旅滯嵩山下秋深歸路難翠微凝鬱黛白露生初
寒烽壘警四郊行侶病孤单夙昔暮嵩少此日失
忻懽夕陽懷故人策馬去如翰入門罷禮讓秉燭

對芝蘭未言顏已開久話心逾寬忘形只爾汝倒
囊傾肺肝叙及吾鄉俗宛入白雲端相看增意氣
不勸自加餐月移過亭午安知夜已闌明朝當長
別未別心早酸

送鉅鹿楊桂衢春元

我來鉅鹿初君學正有聲我去鉅鹿時君已歌鹿
鳴人心各有存膠漆各有名以膠投漆中智巧莫
分并君理伯牙絃我審子期聽君爲孟門水我爲
隨風萍聚散信有時然疑終無生譽來不始動毀
至不爲驚道在一毛重義誦千金輕珍竒國之寶

崢嶸人中英駁予姪直資觸事罪穢腥一官負素
志五載閉幽囹風雨夜飈驟雷震日震轟星月從
此謝親知難爲情翟門既衰盛庶館有虛盈豈伊
世道險良由吾罪縈君心獨何堅周旋切營營劉
揚未識面神交報至誠事與橐籥異德視漂母宏
肆赦拜

聖恩三臣放歸耕西北肝鉅鹿東南指太平相去
四千里風波起萬程地迴心則邇迹滯神自行三
年兩度來再拜雙涕橫話舊但哽咽問俗多歌傾
青眼疑偶夢徹夜對短檠末俗賴有砥世態變如

枰我影動天風八垓聲鏗錡得君受寄托大節定
不更坎坎勤伐檀當爲國棟楹

淮河舟中讀濂溪元公集

靜觀川流趣默與此心會清淮出桐栢一源分萬
派浩蕩碧澄徹好濯纓上塋魚鳥縱飛躍雲物獻
奇怪上下接混茫天光列素繪此際對圖書超然
一大快匪云見其大彷彿君子泰萬物備於我蓬
室不覺隘充然飽道腴至味薄梁膾疲力望速道
悠悠倦行邁妄意探明誠游心紛馳外尚幸依芝
蘭日領同心話不惜鞭策勞未言麗澤對

獄中贈高大鶴吏部

棲棲共徂暑陰陰肅峻垣蹇蹇非躬故坎坎孚信
門念予他山石嗟君玉之溫玉石焚不惜所惜崑
崗燔操心危堦熟德慧疾存夷險視素履霜露
皆天恩古人獲我心壯罔戒觸藩聚散洵有時此
別終難緩仰視浮雲馳俯觀莎草繁睠茲意彌留
行矣寃無言

有弟嘆

有弟有弟歸喟喟重長嘆一嘆中烈焚再嘆轉冰
寒三嘆動天風颯颯滿長安此身參三才恒懼歸

不完平生報國志之死心未殫直欲扶輕陰同仰
旭日丹旆幾聖明悟敢惜微生殘吾已困株木君
雖鑄鐵肝深知至誠未誰云直道難愛爾芳蘭安
溫其如琅玕尚友千古烈力廻萬頃瀾勗哉弘毅
篇努力強加餐

觀墻葵

青青墻下葵亭亭石罅生孤根險彌固柔順天自
成傑立兩崇幹隨肩疑弟兄綠翻舞風葉丹含向
日英白賁敦無咎黃中爛自明不問一時晦要竭
寸心傾今古一盈虛朝夕何瘁榮人情縈休戚世

事紛變更便爾知識泯因之物累輕暄潤無所加
摧折詎能驚上林耻爲媚幽谷肯忘誠靈種世不
易孤芳駿有聲感此墻下葵緬懷伊人情褰裳涉
河洛振袂登岱衡高山不可仰流波有餘情無將
三花落枯坐百憂橫

贈平遙舉人豐葵

七步踵芳躅三秦應嘉招翔鸞憇枳杪割鷄勞牛
刀妙簡欽民社僉願借瓊瑤况茲汾陰氓歲苦邊
塵囂蘇槁渴時雨滌煩遲涼颺鳴琴犢佩解鞭蒲
雀角銷樗野厥月戶桑田稅星軺盈耳絃歌響延

矚禾麻饒汾沁同公路蟋蟀回有陶單父留遺烈
桐鄉傳餘謠齊駟泯英聲召棠敷榮條斯民直古
道之子德音昭想像豈第者雙鳧是王喬蹇予愧
清風贈君盟久要他日循良傳大書看平遙

贈張霑益

化翮搏長風一舉九萬里超然天際翔耻爲蒿下
徙壯士志四方夙昔懸弧矢乘槎遊南溟瞬息河
漢洙人生無多幸蹉跎失竒畧所志爲時雨所過
爲蘭蒨誠可孚豚魚此心無荒鄙榮名以爲寶富
貴安足恃

言類卷之二
答翟子善惠

締好自疇昔論文竭精研別更幾寒暑音響阻吳
燕遊子願已違故人心尚然桃李豈不華松栢何
其堅非懷鄉土松難忘君子賢仰觀牛與女隔水
徒眴眴會合未有期令德願無愆

今日良宴會

親舍白雲下衷情誰爲陳道路阻且長盱眙徒勞
神嗟彼枝上鳥反哺得天真愧我而爲人鬱鬱無
所伸日暮狂風起西北擁黃塵策蹇迷前途褰裳
慚問津長籲扣天闕聽茲誠苦辛

和感興

聖學久湮塞支離裂道器勝心競相高論議紛賈
市於昭日行天順應水行地一貫何中外無我乃

言奚言金
其至安得從孟叟養此浩然氣眇然此一身天地
萬物備本來自光大幾微在誠意旁求昧天原穿
鑿皆私智千年無極翁茲理契實際

遠懷三首

殘葉下庭柯淒雨深秋意校人嚴晚扃踈燈照幽
悶蕭蕭動鄉心霽霽灑遠淚白髮隔長年囚子形
日瘁一念縈千結沉沉不能寐
悠悠孔懷情戚戚同憂喜急難切鵠鴿臭味合蘭
蒞仲氏稱克家叔子洵良士險阻忽五年相牽數
千里深秋風雨夜涕淚何能已

行年四十三可慰無一善多罪囚則宜不德禍匪
舛長兒弱可憂自知門祚淺痛哉次兒殤天罰獨
顯顯淒涼秋雨夜涕淚情難展

用韻答梅宛谿

古道未墜地弘毅在斯人三極孰勇任一肩擔以
身微玩龍潛見究觀夔屈伸鳴鶴洵可和好爵豈
能嬰稅冕非所欲擊磬良苦心吁嗟明德馨千載
遺清芬繫彼梧桐岡勗哉雖雖鳴

獄中同楊劉二君言志

勿欺幼所學先憂古何人可以報明主敢不致微

言
身殺身非所惜報主義未伸馳驅縱不獲詭道羞
仲嬰白口甚昭昭庶幾照此心吁嗟幽谷蘭飄風
遍餘芬鬱彼灌木陰交交黃鳥鳴

訥谿先生詩錄卷之一終




訥谿先生詩錄卷之三

七言古風

夢遊上方

上方高高漢幾許上薄霄漢若相距壁立嵯峨輔
 西岳天爲方域設險阻十丈蓮華未擬奇千尋靈
 掌差較巨塵氛淨絕非人境清虛自是神仙所紫
 氣騰時見尹聃白雲擁處知鍾呂小子年來洗俗
 心飄飄亦復能輕舉忽遇群仙聚上方答問不作
 人間語顧予熟視復予問再拜請教良不拒坐久
 涼風颯颯生炎蒸六月不知暑恍惚似夢不似夢



言多矣言金
卷之三
一
須臾轉盼失其處

遊華嶽

玉蓮華開翠欲流
晚山佳氣氤氳浮
芬芳能薰俗
士骨奇効頓令鄙
疾瘳野臣仰賴天
王明赦罪再
脫濱死囚百年虛
浪已過半五嶽汗
漫今始遊富
平萬斛山已頽泰
和後逝晴川劉補
天巨手後先
折吾行踽踽將焉
求九夷腥陋不可
居海波汎濫
難乘桴西嶽上有
不死仙駕雲御風
留丹丘雲被
崖壁侈畫障風入
松栢宣歌謳巖居
已無妨生累
神閒安用導引謀
縱浪大化忘喜懼
何羨老彭衰

蟬蛻世味嗜舌非病狂
大夫君子無我尤

用林巽峰留別韻

公名華莆田人鎮江守
以忤權貴入獄先得釋

山有榛兮隰有苓我歌且謠云誰思永憂一壘四
顧絕往者來者著為期何處清風入我懷對君還
疑夢見之雄談欲續壺公斷先憂難破雙嚙眉古
來豪傑只隨遇不問窮達惟觀頤兩履如雲亦如
水流行寰宇無際夷消息盈虛默自究畫前之義
尋庖羲君行我留風葉失欲立斯須勢難遲知君
再過久矣熟眼底全牛應無疑浩然弘毅力足任
男兒似此真岐嶷

介石尹子與予同官九月同獄復三月 聖
恩放還嘉魚顧予罪繫無期贈之漫歌以
識永別

古云貧賤憂戚天王成此中滋味君絮羨數月艱
阻操慮熟茲行畢願意氣平勿謂無官一身輕須
知再造 天王明歸思何以報明王江湖廊廟應
同情丈夫事業無窮達區區寵辱安足驚耕莘釣
渭繫何人先民大猷真法程雲夢澤畔滄浪曲衡
岳岩中伐木聲炯炯一心期不負我日斯邁而月
征歌罷令我離憂生

園葵有感

五月葵花爛熳開紅紅白白雲霞堆紅枝明著珊
瑚盃白者温如瓊瑤杯亦有兩色一枝分更見一
朶兩半胎一朶半紅白 千千萬萬品善幻奇奇怪怪天
巧裁白日不照心自傾黑風雖撼志不摧共嘆鮮
潔出污穢誰憐瓊玉委塵埃周子看花看不厭轉看轉
覺添悲哀黃英滿地鋪蒺藜綠衣傍榻生莓苔封
事稀疎青瑣闥棘叢高夾黃金臺賈生涕淚暗長
滴杞叟憂腸日萬迴東南曠潦頻年劇西北輦砲
連城雷白面愁絕小民苦錦衣懽呼大臣災我

皇幹旋運神策西城北斗勞三台欲排天閣竭
力徒拊赤膺無良媒散步且看幽園葵清陰不羨
滿墻槐此地亦是萬花谷慎勿語人恐人來

黃山行

贈吳之陳友名清者

黃山深路難尋松岩積雪齊雲岑瑤花琪樹麗萬
壑玉柯珠葉交瓊林羊腸諸曲虎蹲崎嶇水崖突
兀方諸粼琳浮丘容成鶴窅闕軒轅鼎湖龍自吟
天都去天不盈尺欲往從之歷井參勁風寒露不
可禁龍潭青白險莫測黑雲紫霧常陰陰奇聲異
響怪鳥幽禽澗瀑鳴珮松風奏琴河鼓帝旁震天

籟調高詞古少知音神徂聖伏無所覓但有山鬼
木魅相侮侵嗟爾吳門叟胡為乎來哉黃山深路
難尋谷口宵冥昏沉沉亂石礪研林木森竟日窮
之無人煙大荒路絕炊無鬻饑渴困苦號無濟毒
虺猛獸徒驚心遠道羈旅人途窮何酸辛重耳乞
食受以塊仲尼皇皇兀陳蔡大聖英伯亦不免薦
福之碑何足怪險阻不可留夷之行猶可求歸
來乎閭闔盤桓乎虎丘天池之水渴可飲三江震
澤舟可浮泰伯至德遠可慕延陵高風寧非儔奈
何山道阻且長無思遠人增離憂

詩經
卷之三
丁未秋讀泰和隱士謝王樵詠事句中有恤
不肖母子苦情不勝悲涕王東井尤惓惓
句甚感人時禁申嚴即夕有懷

泰和山水清且奇深麗天造瓊瑤基鍾靈孕瑞聯
奎壁元夫大老相參差山中聞有老樵士食霞斲
雲樵璞琪群猜衆訝欲何爲嘆而不答世莫知琢
爲圭璋爲璜璫更有鳴球光陸離有時小試戛擊
手鏘然遠聞聲遲遲天風吹入幽人耳角響商奏
翻傷悲不入新聲脫俗調傳授疑出虞庭夔風胡
不送達帝庭四聰順適百志熙宣化將平天下情

幽明湮鬱盡發之胡聞其聲不見人樵士樵士勞
我思又聞東叟王子留冰膚雪質真溫其飽飲寒
泉歌浩浩玉簫時弄鳳侶儀擊壤而今有二老顏
爾遐筭同無期

林巽峰隔牆言別慘然賦贈

風日雷雨翻深秋寒露蕭蕭落木愁行人不行爲
誰留繞牆徬徨心悲慘但見叢棘滿墻頭嗟嗟夫
夫不能解世網仍爲一身罪咎謀喜君逆浪帆先
收此行何以答天庥江湖遠去能無憂未可便喜
占滄洲滿前疲瘵須君瘳海濱優游慎優游

懷念菴先生和昌黎短檠歌

大火西流宵漏長短檠對我自清光
壯年嗜好皆倦退老伴無多嗟
踽涼讀書數行眼欲閉大息世
事徒撫牀嗟我懷人金閨客萬言
帝謂天人策平生夔尚寸心丹竟作
磷叟滿頭白常期宣室召席前六十
猶作表安眠青春富譽自驕恣銀燭
華堂擁紅翠欲照逃亡湏此燈短檠
未宜墻角棄

月泉沈高士惠桃

紫雲深處仙人窩靈氣蘊藉鍾元和高士選勝處
修地含精斂華匣大阿佳菓手植瑤池桃丹葩綴

葉蒼玉柯枝如虬蟠幹虎伏蛟螭偃蹇潛龜龜結
實纍纍大且奇味甘石蜜色碧珂古稱此物能延
壽不宜褻視自蹉跎焚香再拜與手剖一片入口
消沉痾神氣隱隱充元海乘槎直可遊天河嗟今
世道兩交喪眼看平地生風波我尋桃源食桃去
地覆天番柰我何

仙源遺愛贈顧侯

叢邑僻在山谷中四顧惟有青龍蔥有泉兩派山
中出時泛麻飯桃花紅云是古仙修真處來遊宦
者多道氣高曠愛酌隱之泉坦夷深厭於陵味詢

是聖世多才賢無亦靈谷知擇仙鳧鷺翩翩果飛
去棠陰藹藹徒自憐仙人已去山谷空碣砬磻砢
石玲瓏不見丹砂出井竈遂令泉石皆租庸顧侯
遲來攝真宰睨視民瘼獨心痲百年虛科一日蠲
稿色頓見鮮顏改又哀烽燹無完楹平地突兀忽
成城饑腸凍骨臨亦穩此日纔堪歌太平君侯政
成簡京兆嗟者嘆者車前遠啼號盡已化謳歌薺
葵原亦同荼蓼此行直依日月傍定須努力揚芬
芳朝覲從容問疾苦倉生滿目皆如傷

讀許忠節公錄

江藩逆惠竟天長忠節一撲鍛妖芒段公笏板怒
再擊睚陽齒舌仍其剗濺血鮮鮮變江水危言嚇
嚇震窮蒼天地賴之不隕裂七政自此迴精光嗚
呼忠節與中丞求仁得仁死不亡烈氣貞風流百
世能令懦骨化金剛

梅純甫戶曹之徐賦贈

秋盡遙傳故人別涼風拂床悲靖蛸草木黃落寒
雨淒塞鴈南翔聲斷絕病故何恤別離難碩果思
存中自熱立身學探聖賢餘用世才弘丈夫烈平
居縕籍多孔孟臨事經綸幾稷契吾鄉山川亦不

俗溫毅如君真豪傑堅白已信不磷緇諸艱未妨
試磨涅古來形勝雄彭城 國家要地茲喉咽呂
梁懸水三十仞雲龍逶迤環截嶺英雄心事已稿
灰未堪流峙二老閱君行無謂修常職要與山川
抗竒節大輦漕儲萬年計細補弊漏百孔穴紅腐
無爲鼯鼠資顆粒盡是生靈血事敞當有永終知
桑土還從未兩徹咨謀詢度何以周夙夜匪懈斯
明哲我罪無期應求諉君思我言出縲綫

訥谿先生詩錄卷之三終

訥谿先生詩錄卷之四

五言律詩

獄中用洛泉兄韻

甲辰

孔懷長惻惻天意自亭亭復聚應頭白相看終眼
青情真懽必決興劇酒空甌須用填箎奏因聲認
故形

不作山庄主長荒松竹亭栗瓜知我苦庭草爲誰
青春日開三徑村醪倒一甌寬恩應得遂從此可
潛形

主人倦行步盡日只居亭春草年年綠空山色色



青操心防隕石守口慎如瓶多欲終難寡何堪說
踐形

何處瀛洲客高懷入敬亭雲深嵐嶼紫水淨洞天
青劇興迷歸路長歌對酒甌重遊如有日猿鶴願
忘形

閒中書懷二首

地下身猶繫天邊手莫援哀驚南浦鴈愁倚北堂
萱義激志能割情來中苦燔慙勤煩友弟范傳日
勤翻 漢范滂傳

又徃南瞻目隨雲歸故園慈親頻問卜稚子倦開

門罪釁誠難解婚媾豈久屯聖朝無棄物應許拜
寬恩

用韻詠葵二首

葵開真可愛還看半開時向日心雖切臨風意更
遲含章原未發抱志自無疑此意將誰會難忘國
士知

閒步隨風散看花正半開融融生意動潏潏化機
催令聞曾何遇初心自不回賡歌愧佳句聊此寄
幽懷

同諸公遊堯率次三峯道長韻 堯率傳如濟南州金陵人

言談詩錄 卷之四
此地南山勝高僧早結茅偶來尋石髓兼得宿雲
巢覺破三天夢緣從半偈拋何期共鄉邑於此話
新交

再遊用前韻

病足倦來往山蹊欲長茅豈能逃老佛聊爾學由
巢福地塵勞息空山書卷拋芝蘭滿幽谷臭味自
神交

用念菴韻答三峯兄

宿緣多野寺所志竟何期此日到全聖前身是大
悲燈傳憶往事簪盞喜良時彼岸回頭近無嗟進

步蓮

南臺和南軒先生韻

苔滿石頭路猶餘古佛臺天寒催木落風定看雲
開陵谷隨時改巖崖終古崑高賢登眺後更有幾
人來

登獅子岩懷僧無礙

獅子岩頭石高僧跡故然苦隨人已去名與石俱
傳寺復南臺舊燈留東土禪未須嗟往事且喜後
人賢

詠陳磐石

石也憑誰轉長年真水干介如君子操磐若國家
安秋漲看鴻漸澄潭共月寒經綸知壯志君且罷
漁竿

武城次韻

弦歌風去遠千載言公城一試牛刀後誰揚木鐸
聲皇天或有意斯道豈難行風雨扁舟過空餘吊
古情

三月悔日懷貴兒遣興用杜韻

苦語寄吾兒春光有限時舞惟菜彩服詠只蓼莪
詩贖父淳于慕陳情令伯追天邊懷不盡遠大自

爲期

春日再逢暮虛疑別汝時斷飛雲有合生聚我無
期乳雀深春恨提壺激夜悲遠開幽室鬱勤學莫
遲遲

春夜懷董允恭二首

山海何方是牽情涕泗流知君能自得懷汝不堪
憂春暖雲陰薄城高月色浮誰云開塞陋君子日
休休

瘠土民多善貧家夜不驚身勞助德儉味淡養神
清伐木山山是新畬處處耕歲寒盟可結無只愛

春榮

贈邑宰鄭沙汀陞戶部二首

牛族難爲解良庖獨善刀棠陰敷百里鳳翮翥層霄
邦教先民俗軍儲計國饒天方富嘉績弘翊

聖明朝

駟馬驅周道雙鳧上漢庭春風滿花縣夜月照蘭汀
禮樂司徒貴勲名省署馨野人無所贈足國願
邦寧

夜雷

霹靂震中夜虩虩百里驚長疑幽室暗始信吳天

明未啓前非悟難言者未就無顯晦淵默亦
雷聲

三弟告期南旋

聞爾舟明發重吁淚自流爲酬三極義贏得一家
憂南國三山碧北園五月秋 聖恩原浩蕩應許
首山丘

聞朱志齋兄歿于清河舟中二首

世何摧善類天豈喪斯文况是憂深地那堪計報
君淮潮添積淚粵桂戒清芬季子龍泉許何年掛
爾墳

詩經詩錄 卷之四
予昔出叢棘君來願道林入門惟有笑無語可傾
心相見人如玉真能利斷金百年生死淚流不竭
從今

送楊龍津掌科

余寘金吾棘君崇玉筭班那知風雨日復聚鐵門
關水上君終困泥中出亦艱坎流知自得別淚肯
潺湲

季夏立秋前六七日終月俱陰雨颯然似秋
用杜韻懷鄉

衰草院深閨陰雲秋寂寥壯遠騰踔志罪綢 聖

明朝五月家書斷三年歸夢遙病魂憂更滯禁地
恐難招

出城訪徐吳二公晚歸

幽興出城早南州愛客癡坐忘新雨霽歸訝晚霞
垂顧分暫饒饌隨緣解論棋相過不厭數病馬欲
重馳

悶

笑煞儒冠誤儒冠果誤身風塵孤旅夜花鳥異鄉
春迂拙違通道傴僂失性真何能隨野鶴去去舞
松筠

言與言金
夙志妄希尹壯行還擬軻平生重意氣今日竟如
何獨鶴誰憐舞園桃自笑歌年華不待悔回首愧
蹉跎

懷友

不見伊人久愁懷誰與開秋生心欲折日落夢初
迴慨嘆憐長夜箴規負妙才迂踈成底事只好賦
歸來

春迎聖駕于順德書懷二首

何幸拜官日驚傳迎 聖君千官盛儀衛萬騎紛
隊羣赤子誰能念此生何足云死生與窮達久矣

付浮雲

匡弼思賢相英明有 聖君芝菌元似類鹿馬本
非羣世道已如此我生欲何云歸與應有日共卧
雲門雲

病起有感

卧病經旬久開門秋色多新蟬鳴自得芳桂意如
何搔首傷無語懷人遠莫過壯心摧欲盡坐見髮
毛皤

贈登封周子學

翠黛環窓牖烟霞當屬車緣溪恣風月堆壁富圖

書軒晁夢已斷簞瓢樂自如鹿門何處是此即德
公居

懷古

春山何佳麗樹色帶江光活水遶亭曲寒梅留野
芳感時傷髮短懷古覺心長風雨扁舟渡悠然憶
道鄉

太和山

雅愛雲中客降心念已真劍揮玄虎伏塵拂火龍
馴夜對月爲侶朝看山是隣已能忘寵辱何處葛
天民

方廣道中

蓮花風骨淨雪後更清芬古樹頻看客輕輿穩度
雲尋源岐澗問代木隔山聞荆楚多奇勝茲行已
幾分

二賢祠

仰止兩夫子巍然百世雄交遊還古誼談笑見新
功雪照蓮生色月明山更空寒朝祠下立猶似坐
春風

堯率與三峯二首

堯率與誰卜羣山此結茅元城能謝世松鶴許爲

巢有相皆成妄光陰可自拋偷閒偏稱我得與至人交

我與山人舊同誅此地茅別來松滿逕仍喜石爲巢遠訊今從斷浮名昨已拋獨餘鸞鶴侶深共白雲交

和劉三峯侍御韻四首

已覺五峯勝同參衆妙玄無方堪駐老此地可窮年古道平生願維摩世外緣茲行喜兼得端莫負雲烟

春憶牛頭雨雲留衡嶽山尖歌忘爾汝臭味得金

蘭吳楚江原合朱張詛不刊誰能別離此清夢接江關

天際雲中閣何時復共凭烟分蒼野樹星爛紫霄燈玄豹知難隱蒼虬終見騰三山望不極惆悵莫能勝

久聚真難別孤遊祇自憐秦關千里月春水五湖船海內還誰切天涯有夢牽匡廬乘白鹿應不負前言

雲臺即事漫吟

何事雲臺滯當軒有翠微雲高山更秀風肅鴈初

言集言金
飛池草夢頻入江尊秋正肥好山無計買策杖欲
東歸

簡諸友二首

畫日空庭坐神閒見太虛門迴達者轍枕積古人
書好學欽羣彥論文愧獨踈不嫌清澹味好共摘
園蔬

臺上風雲壯山中雷雨多飛騰應有待經濟欲如
何早擬獻三策無徒侈一科盛年占大畜吾已
蹉跎

寄勉有之弟

富貴山頭霧功名眼底花蔚文無赤豹莫黑有烏
鴉但信庭柯直何旋月影斜季方須問學聖路渺
無涯

端陽用韻思親

聖世逢佳節孤臣獨苦心葵榴紅不改蒲艾綠成
陰親舍千山隔君門萬里深素琴聊自撫誰續斷
絃音

囚居昧節候俗尚久無心倦設北墻榻間憇南牆
陰習坎罪所宜避人跡已深獨有叢林鳥猶似人
間音

詩經詩金 卷之四
作家信有感用韻

未了百年債長懸千里心人間成未訣天際尚輕
陰來世緣重結今生罪已深夢魂如有見却恐辨
形音

用韻謝東井隱君

躁妄頻傷易交流浚未深庶求延世澤何敢事馨
音仰德心逾渴吟風調入琴寒泉琤遠惠錫我百
兼金

聞說東家井源泉千尺深行人雖隱惻清聖有徽
音水潤興雲氣風薰愜解琴其寒非世味如玉復

往還

甲辰臘八夕夢案積大書百餘冊名榮退龍
門視之乃醫書次日語晴川翁翁坐間志
以詩予因憶甲午春讀書龍門山今十年
餘矣感而用韻

十年讀書地佳勝憶龍門靈谷草多異幽溪花有
源剪茅應得路種竹可爲垣採藥吾將老于斯養
性根

榮辱惟人召進退何有門求仁斯探本克己乃窮
源龍卧荒幽室鶴鳴負掖垣得歸檢方藥從此固

靈根

谷神守玄牝衆妙此爲門
默默真機蘊生生活水
源一圜無極意方丈太微垣
善養虛靈氣長培天地根

顧成湖有感

歲晏猶行役心長柰病何
濟川滯舟楫出世任風
波天入湖中別雲浮水上
多平生滄海夢今悟濯
纓歌

弟恪之子可教可錄入學咏以勉之

吾家無別業經史是生涯
探索勤昏曉交游辨正

邪速成非所望求益乃爲嘉
譁譁連枝艷爭看常
棣華

明道志學顏希文志學伊聖功
著今古相業重華
夷豈止萬夫傑真爲百世師
汝曹自期待舍此復
何之

明妃

漢室多謀士和戎及婦人
君王銷遠慮妾亦丈夫
身歸國已無日思君空有心
願將脂粉淚一灑淨
胡塵

贈祥符左簿訥涇人

言溪言金 卷之四 十三
千古稱賢簿分寧與上元政成官以顯道在位斯
尊一命物可濟寸心春與溫承家世簪紱潔志峇
皇恩

三月二日潛江遇風

百年未了念五嶽有緣雲風雨逢今夜顛危對二
君波神非坎坷天意自慙慙試問舟中者無心似
幾分

讀梅溪齒落詩予年適同因和韻

五十方餘四支離體盡殘舌存訓負老齒豁咲同
韓杞叟髮全白玉人心尚丹折剛寧不戒日漱念

湯盤

哭學姪 壬戌

汝化已彌月吾生猶若驚音容時恍惚陟降日縱
橫准擬書香繼何堪血淚傾百年知夢幻不覺自
傷神

邀諸友入山

風雨重陽近烟霞僻地深青山常自靜白髮已相
侵荒徑憑誰關幽芳好共尋嚶嚶枝上鳥懷我有
清音

讀姑蘇直道陳公祚遺事

壯士知憂國危言肯恤身古今傳直道天地有斯
人不殺君真聖好生物自春空齋披諫草忠憤激
孤臣

雨過靜坐二首

秋陽殊燥烈午夢正慵騰微雨生新爽涼風解鬱
蒸堂虛心亦古歌善興彌增似悟天人意欲言還
未能

閉門長日靜開卷玩心幽忘我物皆善同人天與
游簞瓢可終老富貴非所求風月時來顧翛然轉
我秋

遊西山次詹東鏡韻

彤幃新鮮組綠野此尋盟杞老私憂過海翁機慮
輕荒苔存古篆斷石認遺經已破浮生夢那知惺
不惺

贈繁昌徐生兄弟

歲晚冰霜結天空鴻鴈藏遠遊髦士壯深夜短檠
張萬卷頻開筥三冬足擅塲長風動寥廓雙鳳看
翱翔

八月十八日同王敬所諸公觀潮

客星欣偶聚江上正潮生壯激雷翻海竒觀雪擁

城勲名同幻浪身世一浮萍惟有稽山老青青不
盡情

送梅道人

擾擾塵氛裏雙瞳誰獨明人疑梅福後地共宛陵
生月放杖頭掛瓢嫌樹上鳴形骸盡忘却何復得
多情

有感勉子壻

青春知可畏志學正當年開眼親蘭蕙攤書揖聖
賢轟轟吞海嶽戰戰切冰淵肯竭鑽磨力何愁鐵
石堅

懷有之弟山中二首

隔溪菴逕小過客往來稀白日閑關坐清秋生事
微閒心流水遠塵夢浮雲飛莫逐王喬去涼風一
來歸

兩月小樓卧親知見面稀病淹心懶定雨過暑消
微雲淡遠山淨秋清落葉飛懷人隔千里明月幾
時歸

移居

老至游心息移居學靜修平生多錯謬此日好搜
求克念期無悔閑邪庶寡尤乾乾聊獨寐良士詠

休休

用環山年兄韻

孤忠憂世難獨夜坐燈殘有位踈孫武何人起謝
安方舟橫野水磻石老漁竿閑詠伐檀賦躬耕耻
素飡

和子範春字韻

烟霞步步分圖畫照青春峯出雲端秀泉生石骨
新花容含雨潤鳥語話天真試問浴沂子何如此
日人

九日西郭

九日愁空卧西園喜並游閒居同粟里置酒得荆
州樹擁樓臺出雲隨鼓吹浮不辭重落帽短髮自
堪羞

贈晴川用靜脩韻二首

雞酒四千里兒童莫問誰定是元城老由來孺子
竒道存千聖脉心結萬年知禹鼎憑誰繫雲津有
釣絲

君來山色動君去我心焚雨浥郊塵淨風流野草
薰利金還自斷神劍豈終分明德兩無恙參商何
足云

贈趙一松次念菴太史韻

孤松德不孤高潔自相鄰獨立歲寒節朋來物外人
濤聲風動竅虬影月傳神撫弄堪忘老盤桓莫厭
頻

次韻別方湛一二首

薰風來遠棹明月結新知一宿慚無覺百年終有
期季方聞道早周處改絃遲雲樹蒼茫際他時勞
夢思

癖性前生累柱懷今雨知周公久不夢方叔老相
期已決真心往何言行道遲天涯憐去住肯為別

離思

贈鄭桂溪歸隱

淳風日以遠諧世術難工野服裁雲制桃源有路
通天弢已全解道味好研窮谷口流風在相尋吾
與翁

癸卯初下獄內外俱云不可救強作口號慰之

狂妄愚臣罪寬仁 聖主多爾官已若是生死如
之何大棍譚生杖幽園安樂窩平生未易到到此
可虛過

知二弟至用韻慰之

歲晚吾長滯秋深爾遠來
鶴鴿飛已急鴻鴈去還
哀伯氏喜猶在爾懷強
自開可憐風雨夜須酌解
愁杯

涇施貢士篤以詩慰獄中和荅

死已繁臣罪寬恩 聖主心微軀忘習坎終日誦
咸臨佳句方吹律高情足斷金報章虛織女何以
嗣徽音

簡晴川先生

吉郡劉夫子艱虞道義群
橐籥愚自許灼艾痛全

分鐵漢聞安世剛腸見此君
谷風同恐懼千載一
斯文

用晴翁韻二首

行年今四十不動死生心
微命一絲髮孤忠百煉
金謀身機已息憂國慮還深
安得長風力浮雲卷
片陰

舉世皆酣夢孤臣獨苦心
愛君悲獻玉懷寵惜
橫金乳燕安巢固鳴鴻徹
夜深蕭蕭風不定屯日
豈純陰

甲辰除夕

言金
卷之四
十一
罪釁未少解年華見兩除自憐毛髮改多負此心
初舊習根株固新知檢點踈何能終允德不愧士
襟裙

春興

龍團分雪水玉液瀉春甌勝事荒山澗南冠繫
帝州胸懷仍是壯毛髮已含秋日暮西風起黃塵
暗十洲

詠彩雲

快覩五雲鮮春明近午天化工裁自妙畫筆巧難
傳聖德光呈象人文開有先萬方歌舜治稽首

祝嵩年

用韻谷晴翁四首

戒定全無力法魔都屬疑太公惟順應睿聖在誠
思君子自知命達人貴識時險夷求自得莫問鬼
神知

患難終何損平康非有加忠誠消積逆強暴屈柔
嘉天命誰知畏人窮君莫嗟怨尤心不動處困庶
無差

失鵠求諸已而今更莫疑常行真要道妙論涉玄
思天意王成日人謀愛助時幽居無一事只好致

良知

不欲人加我先須我不加相猶生怨忤自反得亨
嘉順志未足喜違時安用嗟能求今日是始覺向
來差

偶感九歲嬰孩下獄

春仲已平分春陽暖如曛遊絲風細細芳草露芸
芸笑得囚兒狎愁連過鴈群燕吳心不阻萬里共
晴雲

讀李光顏傳感而泣下

將軍真烈士揮涕謝名姝義起三軍勵誠摧兩賊

枯功名淮蔡顯精爽日星俱百世英風在潛然泣
懦夫

聞松山中丞從小鐵門出赤身散髮無一衣

覆次晴翁韻

中丞今已矣公論定蓋棺風波萬里險冰蘖一生
寒道直困不屈生順沒爲安赤體從來去虛名浪
說官

先府君諱辰

嚴君罔極痛幽中四度逢遺體已虧辱義方安自
終家國三綱重存亡一念同不堪凄切處落木敷

悲風

用白沙先生秋興韻贈別董允恭

鄉心十載切患難一年同義重金蘭外情投膠漆
中難忘六月雨最是九秋風此日那堪別孤鴻響
遠空

用杜韻懷弟

窈窕山徑塞艱虞吾道存身懸萬死地夢繞獨龍
村寫過紛紛事書開滿淚痕歸心弦下月愁聽詠
招魂

用杜韻懷恒兄

春到人間闊羈縻我取之心歸笑倦鳥生寄駐遊
絲閒極性成懶機忘睡覺遲壯年出鄉邑白首卜
還期

晴川用杜韻贈竹居伯父怡用韻和之

拂雲連密簣棲鳳有高枝節勁青難奪中虛慧可
知幽居鄰遠俗用世拔多竒依附主人翁相求白
不離

長門春夜用杜韻

妾命薄已矣君身孤可伶身安一丈室夢繞 九
重天君意寧非昔妾容未改前新歡莫終恃妾亦

有當年

長門有底怨司馬自爲憐庭院非人世鶯花別洞
天神遊太液上夢斷巫山前却恐君勞劇憂來夜
似年

擬古用韻

青青庭中栢孤生誰爲憐豈不歷霜雪翠色猶參
天朝陽枝可折將以獻君前栢也味雖苦食之以
延年

贈允恭南還

直省餘暮月拘幽度兩秋孤危淹北轡知故更南

遊日共歸飛疾雲同漂泊浮寒蟬解茲意對我獨
啾啾

有感二首

遙空鴻鴈哀廣除霜月白草木俱已暍繫我獨金
石晨興掩青鏡返照窮玄曠靈根苟先撥同腐伊
誰惜

明蟾海嶠來幽谷忽生白君才照夜光我心匪介
石超然會太虛應迹忘玄曠靈根能長榮流光當
共惜

小除夕次韻答晴川翁四首

靈臺宿妬氛奮志期淨掃壯年忽已阻回頭苦不
早良田種黃茂覃耜弟豐草嗟予終未能曷敢祈
神保

聖功本一貫細微及洒掃克已慎于獨知幾辯在
早孤操澗畔松翠色窓前草上帝日鑒茲無數庶
亦保

滿眼紛世塵擁慧思清掃昏迷罪已深怨艾悔未
早良士日瞿瞿勞人憂草草何以簡 帝心稽首

歌天保

年夜婦嘆室窮室徒灑掃患難無日月歸期何遲

早三陽永春暉百歲榮萱草 神天如降監唯此

祈康保

園居及暮因破窓隙見月用韻

月色入虛牖鬱人紆勞心片片紛容光皎皎破玄
陰靜弄影潛移無言意自深攬衣獨寤歌清輝若
賞音

書夢松扇

高卧衡山雲夢從赤松子授我長年書冲然生道
氣覺來聞清風灑然松間至之子亦同夢茲意能
無是

夜過寶應湖

欲速行舟心風濤不覺險獨驚岸上人笑我輕身
犯湖水浩無際一夜夢中過曉來問舟人搖手風
波大

望嶽二首

岱華嵩衡遊此念何年了舟從天上運夢覺人間
曉欲振涸轍鯤化作圖南鳥乘風入青冥一展雙
瞳小

望嶽意無窮浮生事難了欲憑扶桑日喚醒塵寰
曉俯仰對天壤飛躍同魚鳥七尺宇宙軀敢曰區

區小

用韻賦長門七哀

結髮擬百年中道改初心芳春日終風洞房常陰
陰黃鳥亦睍睍嬌啼綠叢深涼飈會有時莫恃長
好音

不惜陋質棄難忘君子心白日本自皦浮雲團輕
陰玉體邈日遠金門邃以深我歌白頭吟何因寄
此音

出門遠不返鬱鬱悲予心浮雲晝亦晦谷風雨以
陰君心明如鏡莫照衷情深筮篥強自撥哀響不

成音

匪席亦匪石何以喻此心皦皦似明月明月有虧
陰沉沉似秋水秋水有淺深耿耿自不息誰復為
知音

遺音

我為君子謀夙夜持一心補衮不待敝葺戶迨未
陰若藥嘗甘苦若濟試淺深此心被朱絃三嘆有
長門罕人事澹然慰素心池草薰晝夢庭樹迴午
陰花落碧窓靜鳥啼青春深微風動輕枝時聞天
籟音

習音

榮瘁物有時欣戚我何心茲理無得喪天道有晴
陰鳥飛恐不高龍蟄恐不深獨寐戒寤歌虛堂能
習音

和良詠

學未究良背危常愧薰心欲叙上九陽須止初六
陰動靜時隱微語默理玄深夫子久無我猶厭華
嚴音

夜來封門偶成口號

詔使封西園高唱一名口已任呼牛馬何復問牝
牡立身非丈夫從人真妾婦茲事雖細微可以傳

今後

勉弟及二子度荒年

志士懷溝壑男兒耻飽安參乎自舉火田也食惟
簞養志須餘有充饑可素餐儉家原此道豈止度
年難

漫懷二首

鳳鳥久不至野鵬向人語何處伐木聲南風來許
許牛女平生約一水兩相竚深夜露沾衣哀鴻過
南渚

世態似浮雲隨時自卷舒吾心似秋水長年只淡
如已不問榮瘁何能懷譏譽周道平如砥行人日
見踈

簡紫雲道者

夢入青山阿結茅停雲菴林風清可掬石泉淡自
甘世慮非所及真詮意難探相期老谷中莫逆惟
君堪

遊香爐峰次雲門韻二首

凌晨策杖步旋折殊風景晴曦麗青蓮明霞爛玉
井重陰盡以歛潛龍咸出隱浮丘招我上坐摩諸
峰頂


尋源入真境
豁然萬慮屏
機心吾亦忘
神悟君獨
穎奇峰幻
諸相變化爭
一瞬形名自
固者能不
發
深省

天界寺次半峰斌公韻

丁卯夏

一別三十年
重來恍如夢
因得道情深
更覺君恩
重雲山各分
半竹榻原相
共默坐兩忘
言翠竹聞
鳴鳳

訥谿先生詩錄卷之四終



訥谿先生詩錄卷之五

七言律詩

秋日送何喬仲道長出獄

庭樹蕭蕭秋氣森
艱難離合倍傷心
君恩再造同天地
友道相關自古今
這裏過來操必熟
此行去後得應深
獨慚多罪難湔洗
望望園牆幾萬尋
次韻荅陳一溪見問

叢棘幽拘忽二年
操心慮患尚冥然
自新無路圖今是
稽古何能比昔賢
孝養百年悲愛日
微誠一念欲回天
衮衣未補憂方切
敢謂纍臣五夜寒



NATIONAL CENTRAL LIBRARY, TAIWAN, R.O.C.



午節次聯峯韻

山中老却石菖陽之子流離滯 帝鄉令節笑看
青眼對幽園心折紫芝芳金華角黍隨緣好碧草
紅葵滿院香強破愁顏愁轉切天涯涕淚灑高堂

次聯翁喜雨韻

何事幽人喜氣頻及時甘雨感深仁雲開萬里乾
坤解霽看九天宮殿新瑞麥嘉禾太平象宵衣旰
食 聖明勤黃山乞與累臣去三十六峯都是春

寄二弟

愚臣狂妄欲回天批逆龍鱗入九淵灼艾情真都

海內憂連意到即江邊死于道路形同畫說到人
間淚或漣雙鴈多情哀怨切時來時去好相憐

寄勉妻子

白雲深處倚閭門遊子天涯已斷魂葵藿用輸三
寸赤菽羹竟負百年恩賢妻須學周婺婦驥子當
思李密孫有淚不煩憂罪廢慙慙愛護北堂萱

三人西園晚坐

席地簷前趁晚涼幽懷相與嘆流光思危自覺一
心折行遠空深雙鬢蒼風景久成人翫習卷舒堪
笑此顛狂從今世事都休道只可堅吾百鍊剛

宿佛手厓

佛手厓前古竹林訪僊亭畔翠森森風來空谷傳
鈴響泉滴深岩發梵音身寄初禪窺色相法聞半
偈了塵心丹崖蒼壁千年是悵望高人何處尋

棲賢橋望

匡廬紫翠逼雲霄五老翩翩若有招金井玉淵龍
穴迥塵昏鶴唳古人遙虬蟠寶蓋思瓊樹石度賢
棲見宋橋天付山中領風月宜從此地老漁樵

文殊臺大風雨觀佛燈

萬樹枝頭雨吼鳴天風捲送海濤聲空山雲看千

峯起虛閣秋先五月生病廢塵緣初地息夜深燈
火半空明高人去我今何世池上風流萬古情

次朱文石韻送行

秋盡相携卧楚山白雲未似此身閒幾宵密話朱
張榻兩日齋心沆瀣餐却老有方超法界無生何
事出人間多君分我春風坐歸去慇懃早閉關

答人問學

學道分明學此心此心非向外頭尋苦持戒行路
方入歸返靈根意轉深妄念紛紛水上泡真知爍
爍鑛中金長風迅掃浮雲盡皎月當空是好音

又用文石韻

習靜常年欲住山，靜觀未許是心閒。
雲窩寒榻恐危坐，松露清齋亦素餐。
鍾磬上方鳴雨後，風濤中夜起林間。
超然不作天機障，打破先生夢覺關。

贈攸縣洪定之字

秋風共鼓螺川棹，臘夜同圍衡嶽爐。
不負師門端望汝，長迷世路愧從吾。
青山無計留嘉客，白髮偏能欺病夫。
折取松枝贈行李，錦囊收作歲寒圖。

感文山四十五歲之作用韻二首

四十五歲夢裏過，男兒事業竟如何。
青春求感傷

心冷白髮生，還嘆罪多。北極長懷天，保祝西風那。
忍蓼莪歌人，間萬劫已灰盡。誰復惺惺，受障魔。
鯨波萬里送歸舟，倏忽驚心欲白頭。何處赭衣操
劍戟，同時黃帽理兜鍪。人，間風雨真成夢，夜半江
山總是愁。鴈蕩雙峯片雲隔，明朝躡屩作清游。

雲臺觀

雲臺日對華峯雲，蒼白翻翻朝暮分。
一枕使誰眠，睡穩千峯勞我拊摩勤。
洞門新有烟霞主，谷口原多麋鹿群。
莫謂野人無箇事，風來時有善言聞。

乙巳釋罪三人共舟至臨清別

數歲艱危共死生 寬恩更許共舟行
蕭蕭岸柳橫秋色 汨汨江流咽別聲
苦口難忘藥石語 醉心不覺醇醪情
壯懷欲上華峯頂 石凍春應識富平

舟中晨起擁衾有感

浩然之氣日生生 昏後方知平日旦
清心苟無忘何所助 知惟能致始爲誠
眼中塵王俱難着 鏡裏妍媸本自明
莫謂太虛無障礙 青天擾擾亂雲橫

用晴翁江行韻

三年幽繫同磚食 兩月舟行對榻眠
風雨號咷叢棘夜 波濤洶湧暮江天
古來道此真竒事 劫外因

緣豈偶然我識雲 津洙泗脉定期分得一杯泉

久雨見月

連月懵騰陰雨中 暮雲開霽見秋空
禁門不鎖穿窓月 囚榻空吟入夜風
靜裏天人同潑潑 憂來家國轉憧憧
孤懷一片終難斷 欲托清光問昊穹

用斛山苦菜花韻

長疑春意燕谷遲 三月苦無時
雨滋萬卉憔悴春光老 一枝漏洩天機竒
芳心未舒幽人鬱 淡色深類斯民饑
上林繁華過金谷 憑誰移此太液池

春盡送有之弟用蘇子瞻獄中寄子由韻二

首

幽地年年解送春春歸獨立惜殘身春令原上聲
憐我芳草池邊夢趁人憂國滿懷頻灑淚思親無
夜不傷神行行早慰慈闈望爲報囚兒有好音
冬初忽忽即殘春多罪穹壤愧此身風雨夜深長
憶汝雲山天遠更懷人君擔孝弟馳南北我抱愚
忠質鬼神誠積定知明聖鑒重逢不用擬來囚

雙葵用劉公韻

雙葵亭亭方欲高琅玕爲幹珊瑚胞特立不賴墻
之倚身危應畏風相遭雅俗徒煩雅子品丹青難

揮造化毫芳姿自是芝蘭類肯結姚黃魏紫曹

翟子固書來取陳一溪回信代柬

雲嶺先生巢嶺雲共愛不惜銀魚焚塵寰雅鄭耳
盡洗燕獄桎梏何得聞乃知巢許非避世由來猿
鶴豈同群先生此意雲能識我亦知之不可云

答翟贊皇

我懷欲語贊皇君意靈一動中烈焚側身天地隘
有礙開眼虎豹橫成群無知妬殺萋楚樂不飽忍
見祥羊羴濡毫欲書還止止且莫說與贊皇聞

先端陽日看花懷翟聯峯

乙巳是日聯峯
常來看花賦詩

六日卒
于獄

端陽還看舊年花照眼新枝轉劇嗟向日心含微
藥苦臨風淚為故人賒塵寰過影渾如夢幽行今
生已作家恐負 聖明王成意未論坎坎涉無涯

用晴川韻

患難同居俄四載不知身世在他鄉每逢此日幽
期遠愈覺斯文氣味長萬死難回明主怒一生肯
負本心良蘭薰澤麗亦何幸尚有餘光托上蒼

臘盡望家信不得用杜韻

鵲聲日日喚愁生却愧南風亦世情江東梅花亦

可折雲中河漢徒爾明歲暮老母倚門闕永夜累
臣泣貫城安得滇鵬借雙翻萬里須臾天際橫

哭聯翁中丞

世途百倍太行艱九柅洶洶鎖四圍竟日雷霆疑
裂地彌天風雨欲摧山狂瀾一倒知難返正氣千
年誰與還不得皇天遺一老空令遊子淚潺湲

晴斛二君用牧之九日韻奉次二首

四十光陰似箭飛因循深愧道心微年來夜氣虛
生息何日春風共詠歸掘井未深洙泗水揮戈莫
挽魯陽暉泰山頂上空翹首安得乘風一振衣

風高露下白雲飛之子流離嘆式微逆旅天涯終
歲滯扁舟江上幾時歸孤臣自合投幽谷慈母誰
憐倚落暉袞職虛期山甫補斑斕竟負老萊衣

乙巳九日用杜韻二首

九日客中歌伐木泛舟佳興勝登臺酒遙秋色兩
河合眼底陰雲萬里開自分狂愚終罪死敢期寬
詔放歸來故園荒徑闕有日傳語黃花不用催
病骨幾年叢棘裡孤舟此夜開河濱杯酒信我狂
如故世態從他日變新且對芳蘭弄明月莫教寒
菊惱行人君恩賜與滄浪水緩濯靈襟淨垢塵

重陽會諸友登文峯高處

風高露下白雲飛石逕穿茅鳥道微芳席頻移還
選勝葛巾欲落不知歸瑤川碧岫浮秋色錦句瓊
卮遲夕暉更喜山靈解留客藤稍棘刺尚牽衣

泛洞庭湖登岳陽樓

洞庭湖水連天地范老文章照日星萬象只疑同
幻泡九州原是一浮萍登樓誰復關憂樂閱世空
嗟說夢醒一曲薰葭千古意君山長自對樓青

贈衡山南臺僧如清歸

誰能行卧傍高真秦楚三年寄一身每日共飡巖

下飯有時遣問渡頭津
烟霞堆裡心同側虎豹群
中情轉親不謂獺獠根
太利何年飛錫出氛塵

求友

開人門第日長幽
欲共高賢綠野遊
浮白酒盃消萬慮
送青山色豁雙眸
乾坤幻化同蕉鹿
身世升沉儔海鷗
老去不宜常索莫
枝頭黃鳥亦相求

呈靜齋兄并約月夜之叙

身世拘拘意獨餘
遠思盍返本來初
祗緣軀殼生多欲
更苦機心誤識書
枯木寒泉應不負
簞瓢陋巷亦何如
莫將病祟淹清興
明月今宵到敝廬

長沙阻風

秦雲眇眇動西遊
生死交情未易酬
風雨更添幽難思
江湖徒切廟廊憂
屈原志遠憑誰吊
徐穉心勞苦自謀
莫恠汨羅江上滯
波神端合有情留

携衡山二僧登岳陽黃鶴樓

洞庭春草滿芳洲
鸚鵡雲迷客夢浮
劍佩已隨千里月
袈裟亦上五湖舟
半生萍跡疑黃鵠
一片禪心共白鷗
極目烟波忘去住
臨江不厭數登樓

登君山

湖心隱隱起君山
萬古青青波浪間
四顧超然無

俗地一歌恍是隔塵寰清商空憶湘靈調涕淚猶
憐帝子斑便欲結茅從此住待乘華表鶴同還

過赤壁

石壘相傳古戰場江流浩浩壯荆襄三分未滿饑
鼉欲一火能銷老馬狂赤壁有知慚孟德東風何
事助周郎英雄間氣同灰燼月落烏啼長爲傷

太和山

僊境何妨一月留松崖蘿窟欲窮搜峯竒雲鎖神
僊宅洞杳人餘黃綺流茹草喜吾還古俗杖藜誰
信是天休玉函金笥間中玩已向羲皇世上遊

玉虛巖兩宿

白雲間傍洞門飛坐見千峯碧四圍深澗人隨桃
片入虛巖鶴帶月華歸雲巢信宿塵心淨丹竈千
年火力微此日野人重稽首 聖恩特賜芟荷衣

聞袁師南江貳守衡州

罪病相尋成懶踈竒遊何意得衡廬緇黃到處能
嘉客園綺從誰訪故居肉味不知三月後家書已
斷幾年餘人間文字渾忘却只問僊翁乞秘書

用韻追懷斛山二首

關西夫子揚伯修萬里修途遽早休 聖恩蕩蕩

竟莫報後學，留將焉求。一代聲光，齊華嶽百年。
骸骨首山，允知君英爽。應長在閩海，還期神共遊。
壯志嘐嘐，欲進修罪餘。衰病意全休，關西大鳥來。
何迫白下孤雲，渺莫求絮酒，不堪澆宿草。吳鉤空
自掛荒丘。兩年奔走，傷心地，拄杖從誰話。遠遊

奉壽楊蒲池年兄尊翁恕齋先生

時年七十六

侍御聲名逼華峯，義方今識恕齋公。淳龐鄉是商
顏老，英邁還疑洛社翁。曉雨綠槐濃滿院，秋風丹
桂長新叢。北窓睡起渾無事，閒課諸生養聖功。

少林寺四山陰雨一無所見

雲迷路入翠微深，秋色蕭森萬壑陰。石壁烟蘿誰
復面，佛龕燈火只傳心。二毛已斷懷英輩，一宿無
聞負道林。伊洛波流今漸遠，遡源好共及時尋。

出法王寺過嵩陽觀栢

烟樹蕭蕭秋已深，氛祲靄靄接天陰。披雲出寺疑
看畫，戴雨行山可了心。古栢千年存漢物，穹碑數
仞耻唐林。東都無復周公夢，衰草荒郊漫一尋。

病足有感答洛泉兄

凡情顰嘆千鈞重，法眼勲名一羽輕。反已自能分

得失觀天應合悟虛盈若知點樂非狂與始信
空到太清耳順年來還習靜此生端不是浮生

重陽用定山韻二首

獄中

新月更深未肯眠行吟坐弄興無邊何人胸次還
千古此地重陽又二年欲喚塵寰醒大夢同來覺
海泛虛船夢兒妙訣非竒秘矩自爲方規自圓
空園終歲綠衣苔庭院秋風動遠懷縱目片雲天
際去惱人重九困中來高堂淚對黃花落囚地心
隨白鴈回斷送孤臣南北念容光一照自天開

讀喜蛛聯句用韻

荒徑松篁傍水隈九年頻入夢中來楚冠誰惜鐘
儀繫燕士吾慚郭隗臺出卜泰人虛示兆歸思狂
簡不知裁喜神信有好消息願作仁風散八垓

秋夜憶故鄉四首

幽興蕭疎寄福堂高秋雨後更淒涼光陰虛負年
方壯夢寐頻回日漸長故里苦瓜淹契闊荒堦衰
草委風霜歲寒獨看南墻栢天性青青本至剛
聖朝贏得諫臣閒塵世今開夢覺關百結宿緣還
黑獄三生餘債是青山手援天下謀何拙心繫高
堂髮欲斑寄與瑤潭猿鶴侶釣竿日弄碧波灣

言樂詩錄 卷之五
動處爲魔緣有我定中作障是逃名逡巡法守關
關女打破虛空出世英足廢不行忘故步戰酣無
力縱心兵饑來吃飯倦來瞋豈敢隨人說杳冥
大化鳶魚自縱浪青天閒處白雲忙虛空樣子原
無相太極吾家舊有方秋夜涼風吹萬籟踈窓缺
月照孤床本來我亦閒風片變幻而今第幾場

感慨狂言

猶憶去年當此日九雲滂震正孚號數年拙直輸
情實萬死孤危一羽毛待命不知生是瘠化身寧
識死爲屍苟延殘喘又期月曠蕩 天恩真濫叨

兩夢純公用韻

兩後新新生意綠春深點點落花紅紛然客感藩
籬密自在天機今古同瑞日祥雲伊洛上金聲玉
色夢魂中瞻依兩度春風裡愧我男兒志未雄

夜坐用陽明先生夜吟韻

孔顏樂處浪追尋荒草園堦亦道林歸鴈逢時還
有意浮雲於我久無心閒來一卷居夷集興劇千
章擊壤吟長夜坐忘身在繫空房虛白破重陰

至夜和韻

人謀氣化互循環得失幾微早辨難碩果不消天

日旦初陽來復善之端枯荻即看回生意勁幹何
妨守歲寒此日閉關應有道窮愁且可破愁煩

自訟用白樓韻

醴酒去留風已遠低回深愧素心違人情逝水誰
能返世事浮雲日見非狂妄未銷空自瘖幾微戰
勝也還肥小懲大戒真吾福敢向人言不可磯

祝晴翁壽

六十年來學一誠而今耳順更虛明獄中劍氣老
益壯川上日華秋正晴憂國無端添白髮養生有
道却黃精雲津書屋同淇澳風竹應傳抑戒聲

立冬夜用杜韻

木落霜黃空上林數株松栢獨森森密雲不作崇
朝雨薄霧猶橫近午陰幽室虛懷排闥力寒衾偏
切望春心中宵擣碎孤臣夢疑是慈親怨婦砧

次斛山韻二首

克己工夫問只今廓然灑落此胸襟兢兢朝夕嚴
憂惕戰戰淵冰日履臨真妄兩端昭獨見聖狂一
念決危心本來面目還無隱忽後瞻前莫浪尋
直道難容匪自今賈生痛哭涕霑襟民鼎岌岌方
危殆天視曹夢不鑒臨桎梏兩年援溺手焦勞一

疏救焚心馳驅範我寧無獲肯枉區區欲直尋

用韻謝郭河間衣襪

消息艱難未若今蘭芬何自啓衷襟北門風雨方
憂及幽谷陽春獨早臨長夜融融寒柙足綈袍戀
戀故人心僊舟剝有山陰興未卜鷄壇盟許尋

瓜步阻風用晴翁望金山韻

乙巳

遙遙彼岸幾時登望道深慚悟法僧目極千山迷
鴈羽舟行兩月宿漁燈浮沉風浪渾無際俯仰江
天虛可憑欲究當年川上意戰兢自是慎淵冰

乙巳八月十二日蒙 恩放歸舟中風雨漫

詠

帝命隨乘八月槎恩波鼓動浪生花遲遲漸覺神
霄迥望望寧知驛路賒風雨蓬窓還隱坐蕭條野
望漫長嗟瞻迴北極滄江上猶愧平生負國家

舟中簡晴川斛山二先生

共喜生還出 帝州潮平月滿正清秋數年竊喜
夏黃義千里歸同李郭舟楚澤風煙停望眼秦山
雲樹結離憂 君恩友愛心無已努力還期到白
頭

途中即事次韻

浮萍漂泊到天涯却得芝蘭結比閭喜傍清光誠
有託愧聞芳臭未能移冰霜尚憶金吾夜水月何
期靜海湄萬里長風吹散後孤根落落欲何之

有感

淡雲微雨弄春陰凍鵲饑鳥滿暮林魏闕天高時
仰嘆江鄉信斷獨勞心慣看變幻囚魔拙轉覺艱
難罪罟深多病已甘投萬死薄衾寒押任侵尋

登泰山次姜鳳阿太史韻

山頭上下界平分瓊玉堆成雪浪文苔蘚蒼崖古
蚪蚪松蘿紫氣日氤氳九州星野在全日萬里員

方只片雲到此始知天地大超然身與列仙群

西嶽廟樓

樓觀巍然接紫霄入關雄壯此遐標三峯靈護乾
坤定萬國人懷方嶽朝曉看雲霞飛棟宇夜聞閭
闔奏蕭韶獨憐下界氛侵極欲叩天門轉斗杓

喜雨

半壁池邊半午陰忽驚萍雨點池深飛騰黑野雲
消墨斷續黃昏竹灑音溪鷺翔田交潤玉農家踊
躍慶流金書窓清晚炎如洗指點芭蕉長碧心

寄胡霞洲金吾衛幕

名隱烏紗髮未皤清齋樂事日如何秦淮日照霞
光好鍾阜朝來爽氣多夜雨綠苔應有地故人青
眼幾相遇吏情兼得滄洲趨時寄新詩到薜蘿

送鉅鹿楊桂衢春元坦

趙國佳人家四千僊風忽送荒廬前半生此地已
三會萬死重逢又十年願我豈來元伯駕知君悞
放剡溪舡山中若木還堪伐製作香輪上九天

元日登文峯

元日愛登文筆山爲酬高興不辭艱馬知舊路防
崩徑僧記遊人剩笑顏絕頂風雲連漢上千年秀

麗四星環諸生攀陟逢賢令莫謂尋常作賦慳

寄洛泉兄易州

三策擬獻承明廬棘闈十戰銳猶餘顏郎徃蹇志
徒壯李將數竒才不踈一命之士亦有濟五言別
駕非虛車骨寒老子家聲遠北鴈南來好寄書

贈有之第會試二首

立身莫只恃烏頭世習薰人豈易浮日月重明應
起鳳雲雷經濟看飛虬萬言獻主宜關國千里
懷君獨上樓欲慰病夫何日是百花爛熳滿春洲
三殿名傳千佛頭氤氳佳氣彩雲浮簫韶合奏來

丹鳳雷雨滿盈驚老虬壯志定期扶日觀先聲奚
止撞烟樓 聖恩未報都歸汝鷗鷺容吾老一洲

壽宣城劉玉峰大尹 鑄六十詩

陵陽自昔盛才賢劉向明經世有傳節操承家懷
鐵漢風流爲政慕蒲鞭孝思翻覺紆朱累嘉尚惟
知解組便春日黃鸝鳴聒耳侑君大斗行祺年

陪近溪郡侯游天都峰

初冬風日喜清和召伯巡行德意多露湛更添豐
草潤雲竒端護道軒過氤氳紫氣騰幽谷縹緲仙
遊遶曲阿何意瘦筇隨鶴馭也來天際聽棠歌

遊吳中呈龍溪師

聖恩重霈釋纍臣萬死吞刀誓自新曲荷玉成誰
謂棄辛留錐在未爲貧一策烟雨生涯足兩月春
風骨肉親天錫餘年可輕擲何修能不愧斯人

與薛圖南同遊善權次韻

君恩早許作閒身踏遍烟霞此得春磐石穩宜休
力倦洞泉清可濯纓塵煉枯丹竈應忘老畊熟芝
田豈患貧莫訝留連未歸去會心爲有盍簪人

謁子房祠

平生心事爲韓勞漢幄紆籌出偶遭志在赤松藏

秘密謀分黃石露毫毛因人可用聊借箸着力無
容即善刀獨往獨來自遊戲風流千古擅人豪

甲子九日

短棹山陰又一迴茲行百慮已全灰驚看蒼狗從
時變應有黃花似舊開無柰催人年漸去却憐顧
我病頻來武公淇澳猶堪詠肯對秋容嘆老衰

麻川端陽前一日

麻川初泛漲新波霽景當如嘉會何鷗鷺翩翩舟
外是烟雲冉冉席邊多尊當碧浪浮珠玉衣傍青
山帶薜蘿儒雅風流今勝事詠歸隨處濯纓歌

重興寺同筆山小酌

溪山原付老閒身蓮社先輸真率人試看雨晴天
局幻久知寒燠世情新碧雲車騎惟相聚白髮壺
觴意轉親花柳蕭疎頻勞問莫教稀隔動踰旬

詠懷

踈拙山居無一事饑來喫飯冷加衣溪橋來往竟
何意野老逢迎已息機流泉喜看盈科達啼鳥還
疑鼓瑟希坐石嗒然吾失我招招無訝遯之肥

登西嶽呈斛山公

夢想茲山二十年今朝散步上其巔竒峰塵外峻

嶒立恠石雲間顛倒懸雨過一聲促織嚮樹深幾
笠牧童眠大觀到此方爲得覺我心天高萬年

贈郭似庵大司馬

九重詔自初元改萬里恩覃返逐臣殊錫共看歸
大老封章何遽乞間身時方有道詢黃髮公豈無
心戀紫宸人說汾陽能却虜莫居東海便投綸

夜坐次韻

月約禪堂早掛簾雲收玉宇淨纖纖幡搖清影心
不動枕着明光睡自甜蕉鹿妄因迷客夢風鈴閒
語落虛簷寸長尺短由来有龜莢何煩鄭尹占

懷故園

荒庄門抱小溪流萬樹松搖碧浪浮溪曲護田堪
步月松陰團蓋更宜秋坐忘野老梳全泯飲共隣
翁興自悠歸去來年應許賦北山移檄早回頭

送汝和顧舍人東祀

西風策馬出燕臺拜命應看自上台金石聲中過
關里雲霞深處望蓬萊海山尋寺焚香遍齊魯諸
生擁節來賦就靈光湏早獻 君王原識虎頭才

次梅宛溪乞休志喜四首

宛溪清可濯纓塵且喜溪頭旭日生報國早成敷

歷志還家復協釣遊情北堂綵舞萱應笑野水舟
橫鷗不驚聞說城東新卜隱欲携支石問君平
飛騰早忝接芳塵潦倒今憐白髮生遺履約懷
明主德綈袍猶繫故人情賜還初服已多懼痛定
殘魂時一驚勇退羨君舟楫具急流穩是巨川平
錦衣猶戀老萊衣白馬却走碧山歸已喜橫金兼
綵舞絕勝抱玉到黃扉陶潛種秫功名薄宣父乘
桴心事非莫厭句溪來往數溪邊楊柳正衣衣
滿眼緇塵足染衣誰憐荒徑賦來歸寒江潮送舟
橫浦春雨人同燕入扉老去詩篇猶自適舊時吾

我已全非風流洛社須君實衰病堯夫喜有衣

中秋夜少長咸集小酌對月次陽明先生韻
晴月中秋倍朗明誰家芳桂綻金英庭前小酌因
心樂月下笙歌爽氣生天色亦緣人意好家釁還
屬後賢成共看此夜當遘事真是周家伐木情

秋社即事

農家祈報薦芬馨豐樂歸功土穀靈四十六年分
社席百千萬壽祝皇齡鄉閭歲事新儀節耆宿風
流舊典刑共惜醉歌衆懽日乾坤長願此清寧
古有陳平宰社勾吾家社約喜更新神功歲歲祈

還報酒會家家秋復春禮有餼羊欣道在世無市
虎怒誰嗔平生此會未多得疑共當年蓮社人
帝許歸來賜葛巾鹿麋深與野情親古交尚見兩
朝社我輩元同三代人真率幾杯還俗舊滄浪一
曲郎長春鷄豚桑柘勤料理三百餘年未是貧
人和豐稔郎良辰樂事山家也一新序齒燕毛存
古道誓規合族屬吾人瞻依洛社心期遠想見幽
風意總真但得雅歌長似燕不妨分席密如鱗

哭章介菴先生

二十年前一辦香敬從夫子定門墻遺經獨抱心

自苦正氣充然晦更光直道三公終不易清風五
柳早成行東山竟負倉生望慟哭端爲天下傷

用荆川送弟應試韻送有之弟

薰風吹送綠蘿衫衫色鮮鮮映碧潭國學久曾漸
聖化家聲原是出周南鶯遷喬木鳴自得鹿食野
莘詩可叅獻策匡時爾當勉卧病陋巷吾已堪

壽道人壺山八十

家傳海上方圓譜笑破人間名利關三洞自便忘
老病一官早致博身閒香山醉輾車輪會大拍春
浮鶴頂顏八十嬰童誰得似知君已列酒仙班

用荆川韻送姪可期可成應試

鄉人盡羨八周士此日爭聽雙鹿鳴濟美豈云吾
有第聯芳還喜爾和兄莫徒溫飽三場足定作邦
家萬里程羽翮已成風力迅看君眉宇彩雲生
送有之弟會試北上

秋日行舟秋水清青青竹色照波明天高雲淨鴈
飛遠灘急風生帆去輕長路不辭匪懈義離思無
柰孔懷情知君溫飽原非志春滿皇州早寄聲

撫州舟中別黃山謝濟之及其子廷玠汝賢
君家深隱黃山曲氣味分明帶白雲坐對自能消

鄙吝笑談更得挹清芬仙舟此日非虛擬土語他
鄉獨愛聞樂處莫忘風雨夜贈言聊爾慰慙慙

次韻謝汪蒲山

素心自靖獻 楓宸忝竊清班列縉紳萬死曲全
勞 聖主再生虛浪愧微臣憂天有疏謀誠拙報
國無能志却真一卧空林驚老病春風不覺廿年
新

次蒲山詠九華韻

芙蓉雲際翠華流曾侍先翁戴雪遊境勝尋常清
入夢吾衰久矣白盈頭幽探終擬從真侶騁望時

詩經
卷之五
惟上小樓莫道山中閑日月隔來又是十三秋

訥谿先生詩錄卷之五終

國家圖書館, NATIONAL CENTRAL LIBRARY, TAIWAN, R.O.C.



訥谿先生詩錄卷之六

七言律詩

至後二日同陳西塘大行觀水簾洞別以進

秋元

寒谷陽生風日柔
喜陪仙客訪丹丘
雲披素練朱陵落
珠散銀河玉嶂流
坐石飲泉心自醉
賦詩懷古意還悠
崖苔蚪蚪渾無辨
相對翻憐身世浮

同諸君遊紫雲

何意相遭對紫雲
晴空佳氣正氤氳
槎浮銀漢仙幢至
松作寒濤廣樂聞
虞夏流風餘感慨
朱張嘉



會惜慇懃千年事往懷真切七日朋來喜共君

寄祝伯父竹居翁壽

八年不拜壽筵觴夢入春風舞也狂客履不妨門

已滿酒杯剛喜日初長古今老對榮三樂

榮啓期行年九十

十自言天地心同此一陽呼取諸孫歌抑戒淇園

新綠萬篔簹

遊齊雲岩和雲門兄韻

萬丈峻嶒度絕冥烟巒空翠滴衣青遷喬谷鳥流
新調逝水巖花剩遠馨拄手雖無九節杖飛身已
在步雲亭凌風嘯咏雲門句俯視塵寰大夢醒

壽華陽施東山高士

野夫夙有山林骨却笑才無買華文雲起竒生岩
壑夢風來清挹桂蘭芬華陽深處神仙隱淳朴村
中孝友聞德並山高年並壽 恩封更祝待郎君

嚴先生祠

羊裘自屬君披後常與桐江水共新脰次天空無
物累丰標霞麗出氛塵漢家九鼎從茲重釣石一
絲誰與論江水雲山風凜凜范公巨筆足傳神
七里嚴灘碧四圍千年生氣竟無違就令龍袞雲
臺首不及羊裘水澤歸往事箕山瓢樹遠後來帝

座客星稀桐江一線維臣紀屹立乾坤老釣磯

訪焦黃山少叅

路入桃源境自幽伊人居結水中洲蕪葭露重蒼
茫遠蘭桂雲深紫翠浮冰雪不愁迷澗道夕陽剛
好到林丘夜闌更燭聽玄教疑在鈞天洞府遊

水西會

兩過千峯黛色新出門對爾儼如賓圖書何意開
初地童冠相將行暮春聯榻虛樓應不偶擬心明
鏡始多塵悠然一曲滄浪外彷彿當年舍瑟人

次韻酬洞岳明府

一聽弦歌喜德星風流儒雅對虛亭高懷世外自
容與塵憂尊前忽破醒多患更來頭已白同心論
處眼偏青梓山讌集清商發疑是鈞天下洞庭

贈賢守陳公後人二橋

名宦陵陽第一家騶虞生意出春葭千年綸綍歌
魚麗一路干城詠兔且先德循良終不朽後賢事
業尚無涯東郊鬱鬱佳城在濃綠甘棠映彩霞

再用東坡雪韻

陰風栗冽肅洪纖始覺玄冥令戒嚴比屋不堪愁
凍餒野夫何敢厭壘壘寒香春意生幽谷夕霽晴

光賁矮簷日出千山幻瑤島天都漸露碧蓮尖
碧樹驚飛起黑鴉梵林今見白牛車群兒共詫門
堆玉佛子何稱法雨花千里有懷偏此夜扁舟乘
興可誰家敝裘自擁從吾好肯向窮途泣路叉
望水中高夜飲

蓬萊縹緲美人家瓊宇瑤臺映彩霞一水盈盈三
島隔半山隱隱五雲遮醉來此夕思乘月興許何
時更泛槎欲共諸君買舟楫東山常看紫荊花

哭內作

冬之日減夏之三山居霜重室更翫欲斬蚩尤啓

日照葛屨不耐露珠藍沿溪拊石憂莫散燒葉拾
橡饑可餒鬱懷藥藥吞今古所思不來誰與談

兩夜宿仙壇宮次日翠微寺訪許後山

山中無處不蘭香野性虛疑圓又方佳境掀翻棖
也欲春風舞破點之狂翠微有約巢雲谷清夢無
端遶佛廊滿眼天機拈不盡還來秋夜月連床
谷口桃花夾路香仙家端的在何方穿雲直上天
應近注雨徐行興更狂樹點竒峯疑展畫路盤曲
澗若迴廊風流千古斯文意未許南山獨對床

水西寺熙光樓

詞類詩金 卷之六
春山隨處有蘭馨幽徑閒行意自清應我沙鷗常
共狎喚人谷鳥故多情天機滿眼隨時得世態薰
心漸不驚此日熙光吟美趣諸賢端不負平生

舟夜大風

歸程十日尚瀛州去國遲遲惜晚秋野興耽人餘
斗酒客情隨處宿扁舟江鄉此去無勞夢險阻年
來不解憂一夜天風還誤喜只疑吹到海東頭

乙巳春三月太孺人六十

萬里光芒南極星天元鞏固發精靈承家道接思
齊詠 封誥功收教子經海屋壽籌添九十人聞

花甲復三丁蟠桃熟處看萱草長與春山作伴青

雨

九十韶光覺漸窮浮萍虛度一東風每憐苔色綠
堦綠那見花容笑日紅五夜夢魂雲影裡一春消
息雨聲中黛眉頻蹙家山遠流水柴門歸興濃

李氏城成飲亭子山露帳中

崢嶸環邑盡崇山天險金城不可攀千峯已合千
年固百雉新添百二關兩水夜涵雲漢象萬家春
點斗牛班醉歌亭子山頭月彷彿身遊闔闔間
壽再從兄媿六十

壽筵佳氣接春臺春爲山翁送酒杯風日暖調簫
鼓沸賓朋歡擁綵鞭來白頭兄弟相酬酢碧玉芝
蘭正爛開百歲好懷天爲展高歌醉舞共徘徊

天都峯

巍巍峭拔白雲端碧削芙蓉出水寒俯視衆山羅
蟻垤高標千仞護龍蟠雲興雷雨溥民澤神降甫
申扶國榦寂默不言功與德顯然巨聳萬方觀

寄曹江寧丞

弱冠才名已震人承家七步有芳塵劍紋入夜輝
星斗絃誦隨風遶帝闈莫訝獨孤專頌義須知三

代在斯民鳳城花發渾如錦新拜郎官正仲春

金湖郡侯高齋讌集

夏日同登郡閣臺一尊還爲故人開纖纖微月窺
虛牖黯黯流光度晚杯節近綠蒲驚浪迹坐忘清
漏見高懷百年經濟歸群彥樗散徒令笑不才

五十三歲用定山先生韻

不須天問幾時亨五十二年已醉生荆棘路窮方
覺悟乾坤眼老強思睜維摩病苦無人問沮溺貧
猶有地耕報答春暉惟寸草衰榮何意任天行

西岳二首

石擁玉蓮雲幌護晴開仙掌日華流丹梯上與星
辰接青壁常看世界浮入峽不逢高士卧觀棋惟
說老君留飄然便欲凌空去何事營營尚未休
突兀三峯望目尊屹然正氣鎮乾坤燔柴祀典頒
殊禮奔走人心仰特息膚寸雲興方感雨萬年石
作國家垣降靈更願生申甫永爲吾明設屏藩

鎮嶽宮李道人

野人獨住嶽宮高風雨千峯撼海濤饑渴長年同
木石死生百折只鴻毛龍頷共羨奪珠勇虎穴爭
誇得子豪此日斯人真助我超然已解世情殺

老君下棋石

虎鬪龍爭氣自豪輸贏真不讓秋毫傍觀共指滿
盤錯當局誰知不着高風雨鴻溝悲楚漢烟波赤
壁笑孫曹要知此老丁寧意且息危機放脚牢

寄戚南玄

僻地幽棲滯一隅久群鹿豕入迂踈頻瞻紫氣過
江表不坐春風已歲餘蘭室何時還對榻芳心終
歲托封書幾番欲鼓山陰棹興擬王生愧弗如

辛亥至日玉潭仙院酬史玉陽

潭上金晶漾碧霞一溪迴遶洞門斜爲尋天上神

仙院初到山中宰相家
虬峽歲寒留砥柱
瑤臺春在供琪花
陽生共喜歌天保
拜舞山袍帶月華

用荆川草堂韻二首

六載思叨執戟即歸來
客至坐無堂
朋談竟日粥三進
家計平生書數行
愛欲難除泉石癖
貪魔偏着菜根香
年過半百頑心在
褊固深慚似羝羊

幸蒙 恩詔焚銀魚
拙懶門迴長者車
豈有聲華聞海宇
庶無勢利動鄉閭
狂愚已分填溝壑
棄置何堪擬櫟樗
且喜巨源交絕又
翻憐叔夜絕交書

自遣

拙辱投人人孰與
孤形聊與影相親
依違今古無他技
縱浪乾坤只此身
照破仙凡千嶂月
消除貧病一丸春
向來尚有陳情念
此日全無情可陳

雪中送二弟歸

萬里雲同雪正飛
那堪別淚濕征衣
寒江釣罷孤舟寂
野店門關行旅稀
絮薄應憐愁永夜
歲除端欲慰慈闈
入門問及離京日
莫道今朝送汝歸

立春後雪并雷電

自識乾坤久不疑
或雷或雪偶同時
虧成不問已忘我
憂喜何緣得上眉
天道澌茫誰與測
人情翻

覆若爲期空齋對雨焚香坐默事天君何所思

庚戌過采石渡江訪戚南玄都諫題于采石

白鶴觀中

蹇步欹巾到處猜人生何事不旋迴連朝風雨便
吾枕此日晴波照客杯官道柳仍前度密主家門
不舊時開六年采石江三渡總爲君息友誼來

輓汪鵬溪

白嶽論心傾蓋新重臨嘉會故情真衣冠方喜還
淳古領射俄驚失大賓洛社有懷真率叟建初無
復老成人空山落木西風急日斷溪雲倍愴神

九日同筆山登文峯

竹林清蔭鳥間關坐久雲生動薄寒碧樹漸依風
露赤黃花應笑髮毛班心持半偈山同靜話入初
年日覺閒靖節喜從蓮社飲留連落照不知還

春日有感

孤危株木三年困寂寞春消兩履寒孤夢不堪頻
變現穹蒼無力念艱難瘡痍痛切矜人苦桎梏長
依病骨安月落九臯鳴鶴急東風肯爲達 金鑾

和洗心韻二首

天假孤臣去復來園門風日爲重開浮生已入半

百數妄見虛疑明鏡臺罪我鮮民悲此日感君高
誼負深杯倚門詠罷傷心句一夜滄江夢萬回
罪根不斷去還來天際輕陰尚未開北極有懷空
仰屋南山無分漫歌臺年華過眼傷蓬鬢世事驚
心付酒杯冬暖如春春又到料應陽道自天回

自悼用挽文丞相韻

孤臣見殺何所爲天日照昭共鑒之四十光陰虛
大化一朝狂妄累 明時綱常扶植誰家事生死
分明我自知何去何來何喜懼笑予還作逸歌詩
自嘆用陽明先生韻

緘默藏身我也知此心忠赤自難欺憂天過計忘
迂拙授命平生計見危懸水弱鱗千仞浪風林驚
鵠一枯枝 聖明側席求言日不是孤臣自殺時

懷毋弟妻子

直道難容古若斯殺身已受 聖明知獨憐滂毋
強垂訓深愧萊妻早見幾雛燕哀哀湏自力鶴鴒
切切竟何如人間骨肉傷心淚杳杳蒼天何監茲

用羅整菴太宰韻奉壽

豫章泰岱兩巍然衣鉢公家有的傳天下達尊三
已備太和元氣獨無偏商民知覺聖之任孔老行

藏可與權極目仰瞻心萬里欲從何處覓高堅
用韻奉羅憲長毅軒年伯

勇退湍流信毅然難兄難弟有家傳危樓俯視塵
寰小高蹈誰云獨立偏入室罔知居士病問津徒
擬聖人權滔滔莫漫試磨涅公是人間白與堅
爲君哀詠鹿鳴詩此日周行孰念之正學千言存
直筆攄忠一念爲明時茫茫宇宙生湏死炳炳丹
青罪有知獨惜北門傾蓋日百年竟尔息交期

自勵用韻三首

頗沛工夫正在今可將戚戚擾靈襟尚存微息湏

匪懈不顯幽園亦有臨初六未妨剝以足中人多
賴困於心行乎患難非容易柔順文明仔細尋
遭逢未可怨生今空廓湏開宇泰襟幽室昊天同
出入泰山沂水此登臨死生識破渾常事凍餒何
如輒動心松栢歲寒盟已結北門嘉會更溫尋
聖學淵源後到今滄浪亦可滌塵襟惺惺湏是漢
江濯惴惴常如深谷臨鷗運鵬搏瀛海度天光雲
影碧潭心千流萬派從何起活水源頭直溯尋

寄洛泉兄

生死分明無古今從容慷慨見胸襟成仁不惜微

詩經詩錄 卷之六
軀棄授命須當大節臨論定千年惟白日中藏一
點只丹心到頭實際如求是莫向良知外面尋

至日用晴翁韻二首

人爲氣化互循環得失機微早辨難碩果不消天
曰旦初陽來復善之端枯荻即看回生意勁幹何
妨守歲寒此日閉關應有道窮愁且可破愁顏
舜跖兩途分善利毫釐千里察之難反身有道惟
三字應物何能外四端夜氣尚堪存舊德初陽更
可暴新寒默觀天地生生意願學心齊陋巷顏
用陽明先生韻

魔宮虎穴鼠廳場慣習隨聲說福堂萬念輪迴空
日拙一紅牽掛竟天長金砂九轉丹爐冷叢棘頻
年白髮傷松栢天根培植固歲寒端不畏風狂

用杜韻寄子敬

阿鼻深居第八門依依猶戀獨龍村青春四十何
妨死黃土千年終不昏朔漠已知留錮鬼南方應
有爲招魂他時夜雨閒相憶莫作龍逢一樣論

用韻自嘆

至道彌漫貫古今幽窓正好整囚襟毫釐乖繆天
機遠一念虛明上帝臨理用事時爲復理心懲失

詩經詩集 卷之六
處見真心存亡操舍皆由我頭緒須從方寸尋

有感自歎二首

自覺皇家未可量
須爲擴盡到無疆
高明始會心
通道偏曲能令聖
作狂霾霧豈虧天
浩浩風波何
損海汪汪
世間萬變隨消長
方是男兒大眼睜
自愧迂踈不自量
願將國統祝無疆
漢庭翻笑賈
生哭沂水
還憐點也狂
莫遠親賢歌戚戚
欲消鄙
吝見汪汪
平生具有乾坤眼
豈但區區只兩眶

斜陽閒立

倚墻時到日西斜
對雪觀雲春思賒
倦翮迴翔孤

影遠空單消息百年嗟
青山頻入夢千里白髮長
違天一涯莫把風光了
歸計且從縲綫結隣家

春夜

險枕長年一榻橫
虛櫺朝暮自風生
夢酣漸覺驚
心定戰勝猶憐習
氣爭鈴柝聲
深夜靜星河影
動隔窓明無端鄉國懷
南北不盡餘狂只此情

鎖門對雪三首

懶殘不耐世囂諠
春雪撩人好閉門
定力未能消
習氣瘦形聊自固
靈根悲歌局裡人
情斷生死關
頭吾道存晨夜
往來天默運
園中人亦欲忘言

屏跡幽居春事稀陰陰清晝鎖園扉天之方難非
人險道本常陰覺我微坎窞未妨流洊水隙中猶
得見餘暉隔窓間對隨風雪不覺狂心與共飛
昏靄陰風占斷春惱人歸夢夜頻頻心驚雲外鴈
來早興在江南草發新鄉國往來橫百慮乾坤踟
躕寄孤身敝袍瘦骨聊相倚滿目紛如不勝顰

懷蘇廷詔

春日重逢天又陰相看不語自情深青蠅止棘空
長翼黃鳥遷喬終好音北海有堅持節志中山人
切放麤心風蓬一失知難復憶汝時歌白首吟

寄贈張弼

大隱曾聞隱城市幽人家住石橋西情高自覺紛
囂遠志定還期淳古齊直道今留三代在塵寰誰
破百年迷支離世外心猶壯好鳥春來隔樹啼

復入獄用韻祝太孺人壽

白雲在望慈闈遠淚眼盈盈滴未乾宦海此時雖
險阻壽山無日不平安獨憐滋味從來薄欲報劬
勞自古難惟有體親爲善孝而今且放客懷寬

聞諸君出獄水阻不能送

簷溜連朝倒峽流巢居懸架水中洲踈廬剝極雲

御製詩集 卷之九
偏漏巨浸光搖地欲浮蹇我清知歲習坎看君真是泛虛舟隔牆不忍聞離別六月鐵門風雨秋

哭孫松山中丞

哭公無柰淚長流五月相逢同繫囚清苦功名天下識顛連骸骨幾人收百年半世歸黃土萬里雙親哭白頭冀北滇南無限痛仰瞻天際片雲浮

八月十二日有感

去歲承恩此日出重來又見露華垂丘山臣罪知難解水鑑 皇心特不私廟筭由來圖久大杞憂何足係安危明良自有深長慮無柰愚忠拾蓋思

用杜韻懷允恭

一日思君腸九迴兩情遙切棘叢隈殘葵似有重陽意故舊難同此日杯鴻鴈風高無北顧鶴鴿聲急自西來時平且喜張廷尉點點浮雲望漸開

除夕次白沙韻

獨對殘燈發浩歌知吾狂興有誰何歲寒塞北遲新鴈春雨江南廢舊葉禁地無緣聞玉佩踈窓猶得見銀河老親穉子悲何處此夜愁人愁更多

春日懷東溪

八年不見東溪叟聞說東溪正穩流春漲小蓬歌

詩經言金 卷之六
自得夕陰踈柳興何幽一爐龍虎灰應冷幾局風
雲變亦休更囑松舟收拾好生還溪上共君浮

八月盡園門瓜蔓黃花

誰傍園門學種瓜深秋喜得對黃花囚居久斷陶
公醜禁地何緣邵老車物理會來皆樂事此身安
處亦吾家賞心更有芳蘭局吟弄西風到日斜

偶見鬚白問人知鬚亦白矣

莫說園中人不憂鬚毛何得白盈頭百年榮瘁空
多戚千古興亡總一丘心可盡時還我事力無着
處聽天謀微軀縱浪乾坤內付與流雲變化浮

秋夜用陽明先生韻

周公夢斷夜長醒開眼還同燈火清自信丹心常
炯炯不妨白日坐冥冥安心久息風幡辯定性何
分内外形庭樹秋聲無隱爾天聰俗耳一般聽

又

短檠孤影對無餘定裡枯禪趣或如病眼空華生
自滅太虛浮藹卷還舒塵緣未斷且宜獄理障何
能可束書周子真神本無相一圈太極是安居

又用韻

聖明羸得諫臣閒塵世今開夢覺閑百劫宿緣還

黑獄三生餘債是青山手援天下謀何拙心繫高
堂鬢欲斑寄語瑤潭猿鶴侶釣竿自弄碧波灣

羅太宰八十

雲漢天章夜爛然古今福壽幾相傳詔頒三殿春
同麗喜洽群方德不偏衛武弛張皆睿聖潞公出
處亦經權 帝心簡在優耆舊風動善義志更堅

獄中送張友別

楚囚無禁嘆零丁不盡君家父子情三木東西今
共患百年南北此同盟蕭蕭落木秋風急滴滴簷
溜夜雨聲別矣丁寧張孺子好將素履顧斯名

衡山祝壽

山樓五夜月華寒猶憶清宵集鳳鸞狂悖每懷臣
罪重溫綸再拜 聖恩寬九天已喜重門散萬國
同歌七日還遙望北辰頌 天保敬呼南嶽祝

龍顏

輓項城戚大尹

少年豪氣逼星辰壯志充然與道隣鞭石未成梁
海日巾車已得浴沂春魯生有瑟能同調漢吏何
人可擬循慟哭寢門千古意解絃豈獨惜交情

送周子美族姪玉任桂陽幕

見說衡陽鴈不過柳陽南去更如何心存報主
官無擇志切安民政有歌幕下紅蓮宜自愛眼邊
蒼桂不嫌多莫將一命輕三事青瑣家聲是伐柯
壽周西塘六十

西塘春事詢如何細柳新蒲相映多雨後一竿時
自釣月中群從好同過鷗穿密藻浮青玉魚躍明
霞翻錦波天付主人娛老景閒歌伐木莫蹉跎

乙丑除夕

六十一年除到今病衰學繆兩驚心孤燈求夜自
對語千古幽懷誰與尋憤悱未能悲志小怨尤不

斷愧根深頭顱種種除將盡不是常年守歲吟
冷水塘周平齋贈詩二首次韻答之

念君翠幕久生寒白水清茶手自煎何事春風爭
主席更煩盛饌侈賓筵新詩句句含芳桂雅度汪
汪泛巨川真率往來同洛社迂踈藉爾度餘年
猶憶垂髫三十前寒爐活水共烹煎白頭老我慚
開鏡青眼看君喜滿筵大道無聞驚集木韶華不
待嘆流川諸賢若許聯嘉會還擬桑榆收暮年

臈雪登樓用蘓韻

六出花裁闢巧織寒光清切氣陵巖化工不琢成

雕玉俗子無知詠灑盥鼯睡誰驚高士枕竒觀自
愛野人簷興來更欲看竒絕擬上當年太華尖
寒枝巢壓叫饑鴉誰駐袁安門外車白屋長宵思
挾纒朱門枯樹喜生花征夫逆旅悲遲路戍士窮
邊嘆棄家野老登樓詩思發却憐秃筆凍生叉

贈程霽崖之任信宜

扶溝家法傳明道言氏弦歌笑武城滿眼瘡痍憐
赤子一腔惻隱爲蒼生枯英自此逢時雨遐壤從
君著令聲他日循良書列傳二難光映洛中程
勝果寺餞別謝雙牖掌教

郊扃曉雨發秋聲蕭寺張筵送客行三命恩光師
道立一筇風月擔囊輕嶺雲生彩家山近江鴈寒
鳴夜夢清莫恠尊前頻送酒黃山紫水更關情

過廣信次江荆石韻

帝賜微臣薜荔衣難將寸草報春暉側身天地不
知大呼我馬牛誰謂非却笑機深有爭讓也知戰
勝失癯肥勲名自是諸賢士野分應甘飽蕨薇

謝桂近菴道長

天風飄飄吹荷衣水溪澄澄涵清暉青眸對看情
踰昔白髮共驚顏已非銀缸且照瓊杯滿春雨喜

斷黃精肥枕流漱石飽禪悅味甘寧讓首陽薇

用近翁韻奉顧海陽明府

宓子鳴琴聲自和仁風藹藹入人多洞庭廣樂疑
張此武邑弦歌不是過草樹光華浮湛露旌麾掩
映照卷阿天都更喜逢鍾老好把徽音續九歌

用韻奉近菴

杖藜乘興出陵陽劍氣衝星訪豫章禪院偶同看
霽月行臺猶自帶清霜長憐夜夢尋千里何幸春
尊合一堂陳蔡故人半寥落虛舟對泛且徜徉

癸丑端陽日奠斛山公墓

幽居君遇端陽七幾度蒲觴眉共顰多懼不知淹
節序先憂早已致殘身聯詩尚憶花間句對酌時
懷石凍春此日生芻投墓道徘徊宿草倍傷神

故山有感

清時何敢虛縻祿只合東臯學耦耕治朝太息分
年少盛世危言湏老成久遺幽谷煙霞冷可忍故
山猿鶴驚歸去田園理荒草堯年舜壽祝 皇明
甲子七月夜夢四老惟記三人楊邃菴劉南

坦周約菴

白雲卧懶病夫榻四老何緣入夢來南坦文萃劉

向志東楊勲業遂菴才自慚孤陋昧顏色多謝輝
光照草萊誤認南山黃綺侶周公久矣棄吾衰

湘潭驛答唐石泉

舟發湘江春水生江頭望嶽更分明嘯歌風月千
峰遍慨嘆乾坤萬里行知已喜逢人似玉思君猶
得夢中情同宵忽詠陽春調疑在緱山聽奏笙

訥谿先生詩錄卷之六

終

訥谿先生詩錄卷之七

五言絕句

龍潭

卧龍何不起
又向此中眠
早慰蒼生望
爲霖沛九天

芙蓉峯

玉虛滴空翠
誤認雲中峯
天孫閭織巧
削出玉芙蓉

望軒轅峯

崑湖龍去遠
龍種此中留
化作九節杖
扶我天遊

憇道傍松石

洞天仙子富處處是雲臺招我臺端坐松風灑灑
來

漫成

忿氣如炎火焚身空自傷當其薰灼至忍過自心
涼

書懷以月到天心二十字爲韻

虛白啓幽室屋罅來明月嗒然此默坐不知發未
發

塵緣已相遺且得從吾好庭草發新香知是東風

到

萬物自森然何處覓先天此理原無隱躍如滿眼
前

庭樹發新綠幽禽美好音天機自活潑吾亦得吾
心

雲雷經綸時澤水致命處無將幻軀殼憧憧費操
慮

閉門春去半主人今懶融擾擾閒花鳥分付與東
風

泰宇日虛敞涼溫閒往來多病倦將迎高枕卧靈

詩集卷之十一
二
臺

造化亦蹄涔流行坎自止還看雷作雨誰謂澤無水

新條過遠墻好鳥啼深院莫謂春無象此是真頭面

回點無箇事羲黃何所爲融融芳草暖深解答明時

百年不可期虛度四十一至道已無聞莫挽西飛日

險夷皆自得隨處只安安善幻浮雲態晨昏千萬

般

夜露氛塵息曉來天氣清隻鳥下空庭悠然得我情

動靜皆有事法門原不二喚起維摩詰與說無生意

飽飲雙井泉備嘗百世味甘苦未兩忘應知無一是

寶鑑開虛明妍媸來自照風旛心不動何更費億料

几几東山鳥公意東人得鱖魴逝不回千載歌九

詩經詩錄
卷之七
三

戩
少
牆脚透新葵樹頭啼孤鳥憑汝問春工此意今多

東隣有芳樹東方有美人相隔若不遠相看意自
真

風過閒心定日移影遲遲幽懷澹相酬問予不自
知

葵問答

卅心炯自立不為幽暗回誰能一援手移向中庭
開

顯晦人自分開落渾無擇棄置亦何妨自信吾心
赤

陳磐石橫濱十景次韻

山木杳蒼蒼清逼湘江沚斧斤慎勿尋黛色參天
起牛山
擁翠

潭水碧沉沉默對契玄造一幅寫無窮此意當誰
告藜潭
澄清

商顏有靈種服之生道氣此種誰能識石上紫者

是磐石
紫芝

芳樹發華滋清陰照寒水呼月到良朋佳興不可

止金井碧梧

旭日麗城東彤雲煥朱碧富庶近帝鄉清烟散楚

室東郭曉烟

野寺鐘聲動斜陽搖寶光靜坐悟無生密聞旃檀

香隣刹晚鐘

滄浪清可濯時携童冠來陶然同魚躍歸路詠靈

臺廻溪躍魚

道人久閉關籠辱渾無驚沙上群鷗眠悠然若與

盟平沙眠鷗

騎牛橫短笛風雨一高歌試問長安客還能似汝

麼樵岡收唱

澄潭浮數艇風度隔溪聲猶似三閭叟行吟澤畔

情楓渡漁歌

國家圖書館, NATIONAL CENTRAL LIBRARY, TAIWAN, R.O.C.

訥谿先生詩錄卷之七終

國家圖書館, NATIONAL CENTRAL LIBRARY, TAIWAN, R.O.C.

訥谿先生詩錄卷之八

七言絕句

丙午都下有懷表兄槐軒

春水灘頭瀉瀉來
春風原上紫荊開
瀉瀉有時漫
飛去紫荊莫遣兒童摧

獄中寄子敬達劉雲鶴明府

聞說賢侯撫字勞
割雞還好試牛刀
河陽滿縣花
如錦爭似甘棠百丈高

多瘠呻吟更鉅創
傷殘何可說如傷
憑君致祝劉
明府千載重逢漢吏良

言類詩集 卷之八
答鄒東廓師二首

忠魂已化清風去
罪骨空依朽木存
天意未回誠未至
夔龍公案竟難翻

夫子真傳鄒國學
七篇天意寄斯文
獄中夜氣天涯共
座上春風夢裡分

過佛手崖示無礙老僧

巖壑嶮崎天鑿竒
雲根石骨本平夷
險夷自是人
心別老眼看來總不疑

次唐石泉先生韻二首

高眠七十二峯雲
縱有簫韶亦不聞
白石清泉相

對老謳歌喜有聖明君

路入桃源幾許深
美人家住碧霞林
何因一掬源頭水
盡洗人間未淨心

書扇送斛山先生

乙巳臨清奉別

患難相逢情不朽
臨別那堪酌杯酒
安能化作隨
翁風長得先生一握手

小詠奉東溪

思來月上東溪院
夢引春生碧草塘
五載重門南北限
神遊還許到山鄉

眼誑廓落如君少
風骨蕭疎似我無
少壯別君今

老大夢中莫認昔年吾

次晴川韻二首

易觀二五只求中中貴時中迹不同憂患和平非
二義涕泥嗟若見春融

我是人非終有我我非人是豈無私是非兩置無
人已惟有主人翁得知

雨中次白沙韻二首

一雨煩襟已洒然幽禽似欲笑人眠未云險榻無
安枕此際分明是葛天

雨過生生總淖然幽人也得曲肱眠夢中未斷癡

狂念猶欲陳情問九天

送高公敬選部出獄二首

四年聚散迅如流幽室良緣半月留要熟酒從這
裏過洪爐可是赤金愁

勇退何人貴急流去齊三宿豈遲留此身天地元
同體廊廟江湖總是愁

送徐少初年兄

同庚同榜復同官風雨還同六月寒莫笑萍踪有
離合同心千里共芳蘭

斛山巽峯同酌

秦醪酌罷亂鄉愁
愁逐雲飛天際頭
壯志年來還
突兀二毛蕭颯笑悠悠

中夜惕然呈斛山二首

聖人作易憂患中
氣象和平自不同
萬古斯文昭
日月讀來無處不春融

天則纔踰便是愆
良知在我自昭然
幾回月夜尋
思省展轉何能貼枕眠

孟冬送弟南還

歲暮天涯送汝歸
無情更柰雨霏霏
重門不鎖相思
夢夜約江南戲綵衣

冬日曝背口號送仰松

院深人靜日盈園
曝背長歌輸我閒
不爲天常亂
心曲何須生出鐵門關

簡山東被逮五君

何事衣冠集禁園
眼前榮辱笑忙閒
寸陰共惜斯
須會此是人間夢覺關

元日晴有感二首

麗日薰人未解衣
幽園誰謂暖生遲
井泉濯手溫
相得疑是江南春暮時

囚兒此日不勝悲
正是愁闌雨淚時
每把人心卜

天意生還會有拜 恩期

送徐雷溪年丈掌教浦城

十載相逢眼更青 天涯別去若爲情
臨岐無語贈知己 惟願春風滿浦城

哀次孫應時

連宵簇簇人星聚 此夕蕭蕭獨負隅
哀恨莫將訴 淒然春風滿地足歡娛
鼠肝蟲臂盡天工 造物由來亦小童
兒已反真歸大化 却憐愚老哭無窮

偃師有感

楚澤人曾歌惜鳳 魯郊誰復泣傷麟
塵埃滿面群猜怪 肯信鑿坡舊諫臣

嶽麓和朱張兩先生林字韻

精舍湘西問道林 冥陽烱雨隔江深
梅花正何芬 時發猶有寒香上客襟

長沙阻風

湘江傾蓋見高情 一揖相看眼自明
只說東平樂爲善 豈知左史善推行
秋卧衡山雲掩扉 春歸湘浦月明微
無端引起山陰興 一夜心隨鴈北飛

玉虛岩兩宿漫成五首

華池日日玉泉生每到春來泉更清此日仙郎分
一掬翩然兩腋羽翰輕

黑虎岩頭生紫烟玉淵氣暖湧溫泉仙家信有長
生藥一勺令人壽萬千

舊隱三天門下客今爲九渡澗頭仙年來漸得降
心法夜半閒携黑虎眠

莫恠仙翁去不還青牛終日望函關若教尹喜重
來此紫氣氤氳看滿山

天柱峯頭紫霧開凌風直上玉虛臺月明忽聽笙

簫奏疑是仙郎子晉來

用韻請益楊劉二公

未發求中發自和相資麗澤不妨多詠公引咎惜
陰句深愧無能挽魯戈

責善揚公直諒心虛咸夫子豈聲音古人友道蕭
條盡莫訝迂狂感慨深

封門有感

沉瀝徒懷未可食百年兢業此身難却憐跼蹐何
爲者縱浪方知天地寬

解惑二首

若將內外別金針何謂人爲天地心心手本來無
內外却因分別又追尋

請從夫子學尋針尋者分明又一心不知尋得金
針在針自何來誰在尋

和補衣二首

誦君慈母縫衣句驚我遊兒陟屺心欲向夢中遊
萬里茫茫萬里竟何尋

茫茫萬里竟何尋見此縫衣見母心一寸線流千
丈淚刺人心是此時針

和尋針

人人原是有金針萬化彌縫只此心繡出鴛鴦針
在手問君仔細更何尋

用晴翁訓子韻示貴兒

蠱終志不事王侯初蠱須懷幹父愁幹母之蠱貞
不可剛柔相濟德斯修

李密難忘祖母恩願將慈孝立吾門慇懃及哺思
烏鳥一念中孚信及豚

用韻諭內三首

淑行曾聞程母侯女中豪傑丈夫流二郎道德開
伊洛慈訓分明有助修

賢妻爲我報慈恩早晚溫言慰倚門
甘旨日求供
孝養熊丸時和及頑豚
事心事死此心同肅肅雍雍是婦容
采藻獻芹吾
與女百年婦孝與夫忠

紀夢二首

瑣闥歸來十五冬寒宵猶夢拜
重瞳愚心未變
當年赤却喜顏龍麗日融
甚矣吾衰一病翁夢中何復見周公
吳窮欲造生靈禍默啟
皇心自感通

雪月梅花圖

積雪晴開月色嘉老梅新放數枝花
暗香疎影清
人骨疑是孤山處士家

答焦季文

一月天恩許徃回洞門苔蘚笑重開
風前獨有墻
葵舞不厭周郎兩度來
百折江流東不回晴波萬頃鑑常開
天光雲影空
明裡魚躍鳶飛任去來
誠至應知天意回浮雲收卷月華開
將迎無柰幽
人思尚爾憧憧閒徃來

次采石用晴川韻寄斛山二首

秦雲縹緲美人家此夜銀缸爛放花更有滄浪高
興客夕陽時引海西霞

聚散尋常肯浪嗟艱虞情境別來賒何時共鼓東
吳棹風雨連床會更嘉

予黃山有天都峯茲來陽羨問舍亦在都山下
予山中結紫雲庵此都山亦與紫雲相對甚奇
也

紫雲菴結天都下陽羨都山亦紫雲隨處結廬都
自得遂教人共說都君

一上峯頭眼界寬川雲四望盡奇觀憑君呼我都

山老便老都山也自安

書獄吏扇

一夕囹圄坐覆盆亞夫猶畏獄司尊此中羽德千
金重請看于公高大門

詠明妃

淚滴琵琶暗自悲畫工原自識蛾眉吳王亦是西
施敗應勝嫖姚百萬師

次仰松詠

山中風俗稱淳厚眼底韶華不似前欲仰高風尋
古意萬松深處鬱蒼烟

壽章南山廣六十

與君相交四十秋君今六十尚烏頭豈是明夷能
晦養元精專氣勝離婁

達人知命便忘年步步關心君更賢世態妍媸都
不校滿腔玄秘洞先天

莫問榮華莫問仙一歌一酌且談玄年年飲爾黃
花酒還飲黃花酒十千

書少溪卷二首

萬樹森森綠遶溪長虹隱隱白橫堤此中無限幽
深意輸與黃鶯自在啼

王几山流夕照暉仙源花發錦屏圍勸君莫擁羊
裘釣恐有人傳是少微

章介菴宗師公署伴二公子讀書自勵

交友須先辨蹶堯幾為蛇蝎幾為梟而今已得堯
堂坐此後毋招蹶客邀

碧雲小聚

蘭麝香從無處披輕肥只好詫童兒真我誰能是
非得能知真我果為誰

九日自喜

昨日離家始一期東馳西騫為尋師今朝自喜真

師得記作金陵九日詩

與劉惟弘

聖遠文繁義漸訛汗牛充棟欲如何憑君莫謾誇
多讀六籍中間話已多

說食談衣枉自工爾身依舊餒寒中子今欲得真
溫飽兩字思誠好用功

贈李龍先生八十

八十年餘髮尚玄脚跟常挂路三千祇應深入黃
山曲探得軒岐秘妙傳

省愆

老年活計短繩床萬事無情是得常始信超然忘
世慮高人原有鐵心腸

贈程後臺

傍花隨柳水西東兩兩三三樂自融明道已從上
元去懷人猶似坐春風
山光水色碧縈迴春日融融照後臺黃鳥獨懷春
好處嚶嚶偏向谷中來

懷晴川翁二首

萬頃江濤六月舟白雲碧樹思悠悠空齋閒讀朋
來蹇一片遐心滿九秋

五年風雨夜同扃兩度星河曉共熒夢幻三生消
浩劫雲津孤月照中庭

廬阜春雲巢野鶴華峯秋月泣山魑此心料得無
分別長似當年涿鹿時

東鄰有言感而賦之

茫茫何處是吾家錯用心栽眼上華客來莫在無
言說病怯風寒入輔牙

懷允恭兼致劉總戎

金谷妍華醉艷姬海山清淨晚尤奇春繁秋靜元
如此却羨閒人兩得之

新論高懷坐夜涼塵寰煩暑一時忘看君欲振雲
霞袂不覺飄飄風曳裳

送貢玄畧兄教永豐

蘇湖教罷空齋冷絲竹堂傾滿地苔千載孔顏師
弟樣春風童冠待君栽
一峯萬仞高在仰千頃雙江波正揚况是平生師
友地此行好學教人方

入秦道中

萬里孤遊伴一僧半空樓閣共誰凭駭峯華頂雲
間度獨怪靈臺登未能

懷人

石蓮開處碧雲深時有仙翁撫素琴欲往從之江
水永蕙葭之嘆寄愁心

書西峯廟壁

祝融登過華峯登嵩岱雲梯次第升坐撫秦松風
更好碧霄從此欲飛騰

雪夜同沈百林道長集鄭暉厓書屋

沈郎驄馬正駢駢雪爲暉厓滯繡衣共看瓊花天
上散誰將玉屑眼中飛

次韻

謀身自笑太迂踈孤劍超然信有餘東野昔嗔他
齷齪步兵今笑我蘧條

慰王汝楫哀思母氏

木落天高風滿林夜堂機杼更傷心蓼莪滴盡千
年淚不道王生有古今

邑令問野夫脚色

麋鹿長林豐草甘巖栖壙走性偏耽桃源住久猶
嫌淺肯向名園放小叅

半生厭聽牀頭雨今日貪看雪照牀却憶袁安高
卧趣未應陋巷占風光

大風索衣

西風日夜撼長安
破衲遮身聊自寬
寄與虞垂急補衮
九重高處不勝寒

冬夜夢與宜之長兄同見二程先生明道親書一詩字甚遒勁末句記有一春二字

夢裡分明吾弟兄
瞻依伊洛兩先生
數言筆法親傳授
猶記春風入性情

送范德美

二首

寒谷霜風捲地來
園門經月未曾開
杞憂萬斛誰能破
此日憑君放好懷

男兒肯與世浮沉
患難方知國士心
不是憂人渾謾興
感君高義重南金

用陽明先生韻

幽谷寒林度兩冬
今年十倍凜霜風
孤松根骨老逾勁
始信霜風是化工

病中書懷二首

病骨支離衣不勝
穹蒼在念嘆無聲
羸囚何補安危計
日具存亡勞聖明

羸囚只好病相尋
不病那堪憂思深
欲報聖恩惟病骨
萬年宗社願留心

用韻自慰

桎梏年年君莫嗟此生已拚獄爲家浮沉蕩蕩堯
天稟豈有青門學種瓜

用晴翁韻三首

天時人事近如何日見江河變轉多滾滾不堪流
汎濫憑誰砥柱障頽波

主翁根脚定如何漸覺艱難得力多空寂源頭無
滴水黑風捲地不揚波

平生鐵石作腸肝未許尋常兒女探溝壑已甘爲
塋地肯從饑渴說艱難

懷蘇廷詔

青眼重開荆棘深相看一笑解塵襟知君自是松
筠骨肯動人間利害心

志士仁人用意深肯將體骨累冠襟歲寒直擬同
松栢不逐東風易素心

懷梅純甫地官

病中世慮消磨盡人去彭城還有心不是尋常鄉
故念懷君國寶重南金

用斛山韻

薄衾深夜怯涼風不寐憧憧宇宙中四十年餘猶

見惡求圖何以善吾終

帝心眷眷死難忘罪繫寧知歲月長總是累臣誠
未盡但將明 聖祝天王

哭高大鶴

問予何事日愁愁知我 皇天在上頭多病不堪
常痛感愁從愁裏更悠悠
此愁端不爲身愁却怪蕭蕭白上頭西北東南無
限意天門雲影迥悠悠

秋燕

涼風吹汝便知歲亦有南冠憶故鄉欲共差池無

羽翼夢回殘角夜偏長

九月寄書季弟

陰雨冥冥欲送秋寒衣授我僕夫憂南瞻北望心
無極惟有 皇穹識病囚

謝人惠食

官給饗殮飽有餘素餐方自笑籩簞王孫本是羔
羊客退食何煩念拙踈

春愁

一春陰雨花遲發四墅風霾鳥弄聲南國寒雲迷
遠目西山暮景欲新晴

東富平二曹春元

春色妖嬈滿上林
碧梧老幹更千尋
行看彩鳳雙翔集
猶及朝陽播好音

即事

一室幽深滿地苔
閒觀日影隙中來
重門誰謂春常掩
時有東風爲我開

寄趙白樓叅戎

肘邊繫住黃金印
月下閒登太白樓
擬絕天驕息烽火
將軍志不在封侯

簡晴翁

一卷尚書傳漢獄
千年易學見周文
臯比好何秋風擁
願請先生究七分

訥谿先生詩錄卷之八終

國家圖書館, NATIONAL CENTRAL LIBRARY, TAIWAN, R.O.C.



訥谿先生詩錄卷之九

六言四句

龍門庵漫興四首和周子範韻

緬想顏家陋巷愛惜不到其中一簞一瓢活計灑
然千古清風
畧放三千眼界森羅萬象胸中一任鳶飛魚躍何
妨弄月吟風

王道無偏無黨此心非外非中管甚寒暄歲月任
他梧月松風

明月時來嶺上道人不出庵中不會將迎世態淡

然守我家風

有感

芳草芊芊野媚垂
楊嬋嬋風微驢背遊人詩思橋
頭夕照遲歸

嘉樹清陰日未流
波碧漾雲涼何處炎蒸苦悶小
亭直似羲皇

流火繁生寂歛天
高爽氣鮮新闕却巨川舟楫驚
濤更賴何人

風急歸飛鳥盡天
寒水落江空孤舟一策獨釣莫
是渭水老翁

偶書遣懷

花謝鶯林春暮風
臺月浦雲迷渺予懷兮誰與嗟
庭草兮萋萋

楊柳風柔雨後桑
榆霧淡烟中月夜拆鳴蘄北春
池草滿江東

院瑣春深晝靜天
空山遠雲橫鴻鴈不來三月鷓
鴒何處一聲

訥谿先生詩錄卷之九終